

四庫全書薈要

• 乾隆御覽本

史部

資治通鑑卷一百六十九 宋 司馬光 撰

胡三省 音註

陳紀三

起昭陽協洽盡柔兆閏茂凡四年

世祖文皇帝下

天嘉四年春正月齊以太子少傅魏收兼尚書右僕射

時齊主終日酣飲朝事專委侍中高元海

酣戶甘翻朝直遙翻下同

元海庸俗帝亦輕之以收才名素盛故用之而收畏懦

避事尋坐阿縱除名

考異曰北齊書帝紀正月乙亥收為僕射已卯除名相去五日不

容如此之達恐誤今去其日

兗州刺史畢義雲作書與高元海論叙

時事元海入宮不覺遺之給事中李孝貞得而奏之帝

由是疎元海以孝貞兼中書舍人徵義雲還朝和士開

復譖元海

復扶又翻

帝以馬鞭箠元海六十責曰汝昔教我

反

事見上卷二年筆止蓋翻

以弟反兄幾許不義以鄴城兵抗并州

幾許無智

幾居豈翻

出為兗州刺史甲申周廸衆潰脫身

踰嶺奔晉安

臨川郡南城縣有東興嶺通晉安

依陳寶應官軍克臨川

獲迪妻子寶應以兵資迪留異又遣子忠臣隨之虞寄

與寶應書以十事諫之曰自天厭梁德英雄互起人人

自以為得之然夷凶翦亂四海樂推者陳氏也

樂音洛

豈

非歷數有在惟天所授乎一也以王琳之彊侯瑱之力

進足以搖蕩中原爭衡天下退足以屈彊江外

瑱他甸翻又音

鎮屈其勿翻

雄張偏隅

張知亮翻

然或命一旅之師或資一

士之說琳則庾解冰泮投身異域瑱則厥角稽顙

書泰誓曰

若崩厥角言如角之崩也孟子曰若崩厥角稽首文雖小異意則大同此止言厥角稽顙當以顙蹶之蹶為義

說式芮翻
稽音啓

委命闕庭斯又天假其威而除其患二也今

將軍以藩戚之重

陳編寶應於屬籍故云然

東南之衆盡忠奉上戮

力勤王豈不勲高寶融

寶融以河西歸漢累世貴盛

寵過吳芮

吳芮以長

沙奉漢高祖賢之制詔御史長

析珪判野

揚雄解嘲曰析人之珪師

沙王忠其定著今至傳國五世

古註云析分也判亦分也判野謂盡野分土居國子民而傳之後世也

南面稱孤乎三也

聖朝棄瑕忘過寬厚得人至於余孝頃潘純陀李孝欽

歐陽頤等

朝直逞翻高祖永定元年歐陽頤為周文育所禽潘純陀李孝欽皆王琳將也孝欽及余

孝頃二年為周迪所禽純陀蓋琳敗而歸陳也頤魚委翻

悉委以心腹任以爪牙胸

中豁然曾無纖芥况將軍豐非張繡罪異罪謀

張繡殺曹操之

子其後歸操操厚待之事見漢獻帝紀又操為兗州以畢諶為別駕張邈以兗州叛劫諶母弟妻子操謝遣之諶頓首言無二心既出遂亡去及破呂布諶生得衆為之懼操曰夫人孝於親者豈有不忠於君乎吾所求也以為曾相豐許

魏翻諶氏王翻當何慮於危亡何失於富貴四也方今

周齊鄰睦境外無虞并兵一向匪朝伊夕非劉項競逐

之機楚趙連從之勢

從子容翻

何得雍容高拱坐論西伯哉

五也

范曄論隗囂曰若囂命會符運敵非天力雖坐論西伯豈為過哉注云言不過光武為敵則不謝西

伯也且留將軍狼顧一隅亟經摧衄

亟去吏翻頻數也

聲實虧喪

膽氣衰沮其將帥首鼠兩端唯利是視孰能被堅執銳

長驅深入繫馬埋輪奮不顧命以先士卒者乎六也

息表

浪翻沮在呂翻將即亮翻帥所類翻被皮義翻先悉為翻

將軍之彊孰如侯景將軍

之衆孰如王琳武皇滅侯景於前今上摧王琳於後此

乃天時非復人力

復扶又翻

且兵革已後民皆厭亂其孰能

棄墳墓捐妻子出萬死不顧之計從將軍於白刃之間

乎七也歷觀前古子陽季孟顛覆相尋餘善右渠危亡

繼及

子陽公孫述字季孟隗囂字二人事見漢光武紀餘善右渠事見漢武帝紀

天命可畏

山川難恃況將軍欲以數郡之地當天下之兵以諸侯之資拒天子之命強弱逆順可得侔乎八也且非我族類其心必異

左傳季文子引史佚之言

不愛其親豈能及物留將軍

身縻國爵子尚王姬

易曰我有好爵我與爾縻之子尚王姬謂異子貞臣尚主也

猶

且棄天屬而不顧背明君而孤立危急之日豈能同憂

共患不背將軍者乎

背蒲妹翻

至於師老力屈懼誅利賞必

有韓智晉陽之謀張陳并陘之勢九也

韓智事見一卷周威烈王二十

三年張陳事始秦二世三年陘音刑

北軍萬里遠鬪鋒不可當

兵自

建康來建康於晉安為北故曰北軍萬里遠關者無反顧之心有必死之志故其鋒不可當

將軍自

戰其地人多顧後衆寡不敵將帥不侔師以無名而出

事以無機而動以此稱兵

稱猶舉也

未知其利十也為將軍

計莫若絕親留氏

寶應娶留氏之女為妻

釋甲偃兵一遵詔旨方

今藩維尚少

少詩召翻

皇子幼冲凡豫宗族皆蒙寵樹况以

將軍之地將軍之才將軍之名將軍之勢而克脩藩服

北面稱臣寧與劉澤同年而語其功業哉

劉澤漢高祖疎屬事見十

三卷漢高后七年

寄感恩懷德不覺狂言斧鉞之誅其甘如薺

葬奔
濟翻

寶應覽書大怒或謂寶應曰虞公病勢稍篤言多

錯謬寶應意乃小釋亦以寄民望故優容之 周梁躁

公侯莫陳崇從周主如原州

謚法好變
動民曰躁

帝夜還長安人

竊怪其故崇謂所親曰吾比聞術者言晉公今年不利

車駕今忽夜還不過晉公死耳

比毗至翻字
文機封晉公

或發其事

乙酉帝召諸公於大德殿面責崇崇惶恐謝罪其夜冢

宰護遣使將兵就崇第逼令自殺

護當恐懼脩省引咎
避權不當專殺功臣

使疏吏翻
將即亮翻

葬如常儀

壬辰以高州刺史黃濬甄為南

徐州刺史臨川太守周敷為南豫州刺史

五代志高涼郡梁置高州

南豫州時治宣

周主命司憲大夫拓跋廸

唐六典御史大夫秦

城甄巨俱翻

官歷晉宋齊梁陳後魏北齊後周竝不置大夫而以中

丞為臺主後周秋官置司憲中大夫二人掌丞司寇之

法以左右刑罰蓋比

造大律十五篇

五代志周造大律凡二十五篇一刑

御史中丞之職也

名二法例三祀享四朝會五婚姻六戶禁七水火八興

繕九衛宮十市廛十一鬪競十二劫盜十三賊叛十四

毀七十五違制十六鬪律十七諸侯十八廐牧十九雜

犯二十詐偽二十一請求二十二告言二十三逃亡二

十四繫訊二十五斷獄

其制罪一曰杖刑自十至五十

當從志作二十五篇

二曰鞭刑自六十至百三曰徒刑自一年至五年四曰

流刑自二千五百里至四千五百里五曰死刑磔絞斬

梟裂

古者公族有罪磔於甸人鄭玄曰懸縊殺之曰磔絞者全其身首斬者殊死梟者掛其首於木上裂

者車裂梟
堅堯翻

凡二十五等

五刑之屬各有
五合二十五等

庚戌以司空

南徐州刺史侯安都為江州刺史 辛酉周詔大冢宰

晉國公親則懿昆

昆兄也

任當元輔自今詔誥及百司文

書竝不得稱公名護抗表固讓 三月乙丑朔日有食

之 齊詔司空斛律光督步騎二萬築勳掌城於軹關

五代志軹關在河內郡王
屋縣騎奇寄翻軹音只

仍築長城二百里置十二戍

丙戌齊以兼尚書右僕射趙彥深為左僕射

左僕射當作右

僕射蓋先是兼官今正除右僕射也

夏四月乙未周以柱國達奚武為

太保周主將視學以太傅燕國公于謹為三老

燕國有翻

謹上表固辭不許仍賜以延年杖戊午帝幸太學謹入

門帝迎拜於門屏之間謹答拜有司設三老席於中楹

南向太師護升階設几謹升席南面憑几而坐大司馬

豆盧寧升階正鵠帝升階立於斧扆之前西面

扆屏風也斧扆

畫文為斧形扆於豈翻

有司進饌帝跪設醬豆

醬食味之主古之養老執醬而饋今

跪而親為之袒割

為於偏袒袒割袒而割牲也

謹食畢帝親跪授爵

以醕

醕羊音翻以酒漱口也

有司撤訖帝北面立而訪道謹起立

於席後對曰木受繩則正后從諫則聖

高宗傳說告高宗之言

明王

虛心納諫以知得失天下乃安又曰去食去兵信不可

去

論語孔子答子貢之言去冕呂翻

願陛下守信勿失又曰有功必賞

有罪必罰則為善者日進為惡者日止又曰言行者立

身之基

行下孟翻

願陛下三思而言九慮而行勿使有過天

子之過如日月之食人莫不知願陛下慎之帝再拜受

言謹答拜禮成而出

三代而下視學養老乞言之禮唯漢明帝周武帝行之

司

空侯安都恃功驕橫

橫戶孟翻

數聚文武之士騎射賦詩

數所

角翻下又數同騎奇寄翻

齋中賓客動至于人部下將帥多不遵法

度檢問收攝

攝錄也捕也將即亮翻帥所類翻

輒奔歸安都上性嚴整

內銜之安都弗之覺每有表啓封訖有事未盡開封自

書之云又啓某事及侍宴酒酣或箕踞傾倚常陪樂遊

園襖飲

樂音洛

謂上曰何如作臨川王時上不應安都再

三言之上曰此雖天命抑亦明公之力宴訖啓借供帳

水飾欲載妻妾於御堂宴飲上雖許之意甚不懌明日

安都坐於御座賓客居羣臣位稱觴上壽

上時掌翻

會重雲

殿災安都帥將士帶甲入殿上甚惡之陰為之備

此皆日前

事史歷叙安都致敗之由重直龍翻惡烏路翻

及周迪反朝議謂當使安都討

之

朝直遙翻下同

而上更使吳明徹

更工衡翻

又數遣臺使案問安

都部下檢括亡叛

使疏史翻

安都遣其別駕周弘實自託於

舍人蔡景歷

蔡景歷為中書舍人自武帝以來特蒙親任蓋陳朝事權皆在中書也

并問

省中事景歷錄其狀具奏之因希旨稱安都謀反上慮

其不受名故用為江州五月安都自京口還建康部伍

入于石頭六月帝引安都宴於嘉德殿又集其部下將

帥會於尚書朝堂於坐收安都囚於嘉德西省

坐祖卧翻

又

收其將帥盡奪馬仗而釋之因出蔡景歷表以示於朝

乃下詔暴其罪惡明日賜死宥其妻子資給其喪初高

祖在京口

高祖與王僧辯既平臺城出鎮京口

嘗與諸將宴杜僧明周文

育侯安都為壽

奉觴上壽也

各稱功伐

積功曰伐

高祖曰卿等悉

良將也而竝有所短杜公志大而識闇狎於下而驕于

上周侯交不擇人而推心過差侯郎傲誕而無厭輕佻

而肆志

厭於鹽翻
佻他彫翻

並非全身之道卒皆如其言

知臣莫
若君誠

哉是言也

卒子恤翻

乙卯齊主使兼散騎常侍崔子武來聘

散

亶翻騎奇

寄翻下同

齊侍中開府儀同三司和士開有寵於齊

主齊主外朝視事及在內宴賞須臾之間不得不與士

開相見或累日不歸一日數入或放還之後俄頃即追

未至之間連騎督趣

趣讀
曰促

姦諂百端寵愛日隆前後賞

賜不可勝紀每侍左右言辭容止極諸鄙褻以夜繼晝

無復君臣之禮常謂帝曰自古帝王盡為灰土堯舜桀

紂竟復何異陛下宜及少壯極意為樂縱橫行之

勝音復

扶又翻少詩照翻
樂音洛縱子容翻

一日取快可敵千年國事盡付大臣

何慮不辦無為自勤約也帝大悅於是委趙彥深掌官

爵元文遙掌財用唐邕掌外騎兵

外兵及騎兵也勃海
王歡相魏丞相府外

兵曹騎兵曹分掌兵馬及文宣受禪諸司咸歸尚書惟
此二曹不廢謂之外兵省騎兵省據和士開傳時委邕

掌外兵白信都馮子琮胡長粲掌東宮帝三四日一視

朝書數字而已

朝直
遙翻

畧無所言須臾罷入長粲僧敬之

子也

胡僧敬見一百五十八卷梁武帝大同七年

帝使士開與胡后握槊河

南康獻王孝瑜諫曰皇后天下之母豈可與臣下接手

孝瑜又言趙郡王叡其父死於非命

叡父琛勃海王歡之弟也亂歡後庭

因杖而斃

不可親近

近其斬翻

由是叡及士開共譖之士開言孝

瑜奢僭叡言山東唯聞河南王不聞有陛下

齊主多居晉陽在山

西司冀定殷瀛滄之地皆在山東

帝由是忌之孝瑜竊與爾朱御女言

齊制八十一御女比正四品古之御妻也孝瑜傳云爾朱事太后孝瑜先與之通

帝聞之大怒

庚申頓飲孝瑜酒三十七盃

飲於禁翻

孝瑜體肥大腰帶十

園帝使左右婁子彥載以出酖之於車至西華門煩躁

投水而絕

踪則到翻

贈太尉錄尚書事諸侯在宮中者莫敢

舉聲唯河間王孝琬大哭而出

孝琬孝瑜之弟也

秋七月戊

辰周主幸原州 八月辛丑齊以三臺宮為大興聖寺

九月壬戌廣州刺史陽山穆公歐陽顥卒詔子紇襲

父爵位

陽山郡公五代志南海郡含涯縣梁置陽山郡為歐陽紇不就徵阻兵而反張本顥魚委翻紇

下沒翻

甲子周主自原州登隴

登隴坂也

周迪復越東興

嶺為寇

東興嶺在臨川郡南城縣界唐志撫州南城縣武德四年析置永城東興二縣七年省沈約曰

東興縣吳立屬臨川郡復扶又翻

辛未詔護軍章昭達將兵討之

昭達時為

護軍將軍

丙戌周主如同州

初周人欲與突厥木杆可

汗連兵伐齊

厥九勿翻杆公旦翻可從刊入聲汗音寒

許納其女為后遣御

伯大夫楊荐

唐六典曰後周天官府置御伯中大夫二人天子出入則侍於左右大祭祀盥洗則

授中武帝改御伯為納言蓋侍中之職也宣帝末又別置侍中為加官

及左武伯太原王

慶

左武伯蓋侍衛之官注見後

往結之齊人聞之懼亦遣使求昏於

突厥賂遺甚厚

使疏吏翻遺子季翻

木杆貪齊幣重欲執荐等送

齊荐知之責木杆曰太祖昔與可汗共敦鄰好

好呼蠕到翻

蠕部落數千來降太祖悉以付可汗使者以快可汗之

意

事見一百六十六卷梁敬帝紹泰元年蠕人克翻降戶江翻

如何今日遽欲背恩

忘義獨不愧鬼神乎

背蒲妹翻

木杆慘然良久曰君言是也

吾意決矣當相與共平東賊然後遣女苻等復命

吳曰考

典畧在保定二年按王慶傳云是歲乃興入并之役故置於此

公卿請發十萬人擊齊

柱國楊忠獨以為得萬騎足矣戊子遣忠將步騎一萬

與突厥自北道伐齊又遣大將軍達奚武帥步騎三萬

自南道出平陽期會於晉陽

忠將即亮翻又音如字領也騎奇奇翻帥讀曰率下

同

冬十一月辛酉章昭達大破周迪脫身潛竄山

谷民相與匿之雖加誅戮無肯言者十二月辛卯周

主還長安

自隴上還

丙申大赦章昭達進軍度嶺趣建

安討陳寶應

趣七喻翻

詔益州刺史余孝頃

梁元帝之世益州之地已入於

周陳命余孝頃遙領益州刺史耳

督會稽東陽臨海永嘉諸軍自東道

會之

會工外翻

是歲初祭始興昭烈王於建康用天子禮

帝嗣高祖以子伯茂奉始興昭烈王之祀今初以天子禮祀之非禮也

周楊忠拔齊二

十餘城齊人守陁嶺之隘

唐志代州雁門縣有東陁關西陁關陁音刑隘烏解翻

忠擊破之突厥木杆地頭步離三可汗以十萬騎會之

木杆分國為三部木杆牙帳居都斤山地頭可汗統東方步離可汗統西方厥九勿翻杆公旦翻

已丑

自恒州三道俱入

恒戶登翻

時大雪數旬南北千餘里平地

數尺齊主自鄴倍道赴之戊午至晉陽斛律光將步兵

三萬屯平陽

拒達奚武之兵也

己未周師及突厥逼晉陽齊主

畏其彊戎服帥宮人欲東走避之趙郡王叡河間王孝

琬叩馬諫孝琬請委叡部分

分扶問翻

必得嚴整帝從之命

六軍進止皆取叡節度而使并州刺史段韶總之

委叡部分

而段韶
總其事

五年春正月庚申朔齊主登北城

晉陽北城也

軍容甚整突

厥咎周人曰爾言齊亂故來伐之今齊人眼中亦有鐵

何可當邪

厥九勿翻邪音耶

周人以步卒為前鋒從西山下去

城二里許諸將咸欲逆擊之

將即亮翻

段韶曰步卒力勢自

當有限今積雪既厚逆戰非便不如陳以待之彼勞我

逸破之必矣既至齊悉其銳師鼓譟而出突厥震駭引

上西山不肯戰

陳讀曰陣上時掌翻

周師大敗而還

還從宣翻又如字下同

突厥引兵出塞縱兵大掠自晉陽以往七百餘里人畜

無遺

謂晉陽以北七百餘里畜許救翻

段韶追之不敢逼突厥還至陁

嶺凍滑乃鋪氈以度胡馬寒瘦膝已下皆無毛比至長

城

陁音刑比必利翻長城即文宣所築者

馬死且盡截稍杖之以歸達奚

武至平陽未知忠退斛律光與書曰鴻鵠已翔於寥廓

羅者猶視於沮澤

漢司馬相如難蜀父老曰鵠鳴已翔乎寥廓羅者猶視乎藪澤沮將預翻

武得書亦還光逐之入周境獲二千餘口而還光見帝

於晉陽帝以新遭大寇抱光頭而哭任城王潛進曰何

至於此乃止

見賢遍翻音皆又戶皆翻

初齊顯祖之世周人常懼

齊兵西度每至冬月守河椎冰及世祖即位嬖倖用事

朝政漸紊

嬖卑義翻又博計翻朝直遙翻紊音問

齊人椎冰以備周兵之

逼斛律光憂之曰國家常有吞關隴之志今日至此而

唯翫聲色乎辛巳上祀南郊二月庚寅朔日有食

之初齊顯祖命羣臣判定魏麟趾格為齊律

見一百六十三

卷梁簡文帝大寶元年

久而不成時軍國多事決獄罕依律文相

承謂之變法從事世祖即位思革其弊乃督脩律令者

至是而成律十二篇

五代志齊律十二篇一名例二禁衛三婚戶四擅興五違制六詐偽

七鬪訟八賊盜九捕斷十毀損十一廐牧十二雜律

令四十卷其刑名有五

一曰死重者輟之

輟胡慣翻即車裂也

次梟首次斬次絞二曰流投邊

裔為兵三曰刑自五歲至一歲四曰鞭自百至四十五

曰杖自三十至十凡十五等

死四等流一等刑五等鞭五等杖三等通十八等今

曰凡十五等通鑑依五代志大凡為十五等之文也梟堅堯翻

其流外官及老小閹癡

老者小者閹者癡者與流外官皆贖鄭玄曰閹精氣閉藏者癡不慧也

并過失應贖者皆

以絹代金三月辛酉班行之因大赦

赦其宿罪此後有犯者皆以法令施

行是後為吏者始守法令又教仕門子弟常講習之

仕門

謂入仕之家

故齊人多曉法又令民十八受田輸租調二十

充兵六十免力役六十六還田免租調一夫受露田八十

畝

杜佑曰不栽樹者謂之露田調力吊翻下夫調牛調同

婦人四十畝奴婢依良

人

言奴婢受田依良人畝數

牛受六十畝

按五代志丁牛一頭受田六十畝限止四年丁牛者

勝耕之牛牧牛者得受其田

大率一夫一婦調絹一匹綿八兩墾租

二石義租五斗奴婢準良人之半

奴婢者官常役其力故所調半於良人

牛調二尺墾租一斗義租五升墾租送臺義租納郡以

備水旱

調力
弔翻

己巳齊羣盜田子禮等數十人共劫太

師彭城景思王洸為主詐稱使者徑向洸第至內室稱

敕牽洸上馬臨以白刃欲引向南殿洸大呼不從

洸夷
周翻

使疏吏翻上時
掌翻呼火故翻

盜殺之

庚辰周初令百官執笏

記玉
藻曰

史進象笏書思對命注云意所思念將以告君者也對
所以對君也命所受命也書之於笏為失忘也又曰凡
有指畫於君前者用笏造受命於君前用笏笏畢用也
因飾馬笏度二尺有六寸其中博三寸其殺六分而去
一應劭曰昔荆軻逐秦王其後謁者持匕首以備不虞
從此侍宮皆執刀劒高祖偃武備文始制手版代馬隋
志曰中世以來唯八座尚書執笏笏者白筆綴其頭紫
囊裹之其餘公卿但執手版謂之筆笏蓋以記事受言

西魏以降通用象牙五品以下通用竹木爾雅釋名笏忽也君有教命及所白則書其上以備忽忘也唐會要曰笏舊制三品已上前挫後直五品以上前挫後屈武德已來一例上圓下方開元八年諸笏三品已上前挫後直五品已上前挫後挫並用象牙九品已上任用竹木上挫下方男以上聽依品爵執笏假官板亦依此例

齊以斛律光為司徒武興王普為尚書左僕射普歸

彥之兄子也甲申以馮翊王潤為司空夏四月辛卯

齊主使兼散騎常侍皇甫亮來聘

散志重翻
騎奇寄翻

庚子周

主遣使來聘

使疏
吏翻

癸卯周以鄧公河南竇熾為太宗

伯五月壬戌封世宗之子賢為畢公甲子齊主還鄴

自晉陽還

壬午齊以趙郡王叡為錄尚書事前司徒婁叡

為太尉甲申以段韶為太師丁亥以任城王潛為大將

軍

潛戶皆翻又音皆

壬辰齊主如晉陽周以太保達奚武

為同州刺史六月齊主殺樂陵王百年時白虹暈日

兩重

重直龍翻

又橫貫而不達赤星見齊主欲以百年厭之

見賢遍翻狀於叶翻

會博陵人賈德胄教百年書百年嘗作數敕

字德胄封以奏之帝發怒使召百年百年自知不免割

帶玦留與其妃斛律氏見帝於涼風堂

見賢遍翻

使百年書

敕字驗與德曹所奏相似遣左右亂捶之又令曳之遶

堂行且捶所過血皆遍地氣息將盡乃斬之

孝昭殺文宣之子武

成又殺孝昭之子天之報應固不爽遺言諄諄竟何益哉捶止藥翻

棄諸池池水盡赤妃

把玦哀號不食

號戶高翻

月餘亦卒玦猶在手拳不可開其

父光自擘之乃開

擘博厄翻分擘也

庚寅周改御伯為納言

初周太祖之從賀拔岳在關中也遣人迎晉公護於

晉陽

梁武帝中大通二年宇文泰從賀拔岳入關按下護答母書云遠離膝下三十五年逆而數之正在

是年護母閭氏及周主之姑皆留晉陽

周主之姑蓋宇文泰之妹也

齊

人以配中山宮

中山宮慕容氏之故宮自魏以來以為別宮

及護用事遣間

使入齊求之莫知音息

間古覓翻音息猶今人言信息也使疏吏翻下同

齊遣

使者至玉壁求通互市護欲訪求母姑使司馬下大夫

尹公正至玉壁與之言

司馬下大夫即軍司馬之職

使者甚悅勳州

刺史韋孝寬獲關東人復縱之因致書為言西朝欲通

好之意

復扶又翻又音如字為於偽翻好呼到翻下同周在關西故稱西朝朝直遙翻

是時周

人以前攻晉陽不得志謀與突厥再伐齊

厥九勿翻

齊主聞

之大懼許遣護母西歸且求通好先遣其姑歸秋八

月丁亥朔日有食之 周遣柱國楊忠會突厥伐齊至

北河而還

水經河水東逕沃野故城南又北屈而為南河出焉河水又北逕西溢於霖潭縣故城東

又屈而東流為北河東逕高闕南還從宣翻又音如字

戊子周以齊公憲為雍

州牧

雍於用翻

宇文貴為大司徒九月丁巳以衛公直為大

司空追錄佐命元功封開府儀同三司隴西公李昺為

唐公

錄昺父虎佐命之功也李氏有天下國號曰唐本此昺音丙

太馭中大夫長樂

公若干鳳為徐公

周官太馭中大夫掌馭玉路以祀及祀較屬夏官樂音洛

昺虎之

子鳳惠之子也

李虎始見一百五十六卷梁武帝中大通六年若干惠見一百五十八卷大同

年九 乙丑齊主封其子綽為南陽王儼為東平王儼太

子之母弟也 突厥寇齊幽州衆十餘萬入長城大掠

而還 周皇姑之歸也齊主遣人為晉公護母作書言

護幼時數事又寄其所著錦袍以為信驗

為於偽翻 著陟畧翻

且

曰吾屬千載之運

屬之欲翻 載子亥翻

蒙大齊之德矜老開恩許

得相見禽獸草木母子相依吾有何罪與汝分離今復

何福還望見汝

復扶又翻 又音如字

言此悲喜死而更蘇世間所

有求皆可得母子異國何處可求假汝貴極王公富過

山海有一老母八十之年飄然千里死亡旦夕不得一

朝暫見

暫與同

不得一日同處

處昌呂翻

寒不得汝衣饑不得

汝食汝雖窮榮極盛光耀世間於吾何益吾今日之前

汝既不得申其供養

供居用翻養羊亮翻

事往何論今日以後吾

之殘命唯繫於汝爾戴天履地中有鬼神勿云冥昧而

可欺負護得書悲不自勝

勝音升

復書曰區宇分崩遭遇

災禍違離膝下三十五年

離力智翻

受生稟氣皆知母子誰

同薩保

護字薩保薩桑葛翻

如此不孝子為公侯母為俘隸暑不

見母暑寒不見母寒衣不知有無食不知饑飽泥如天

地之外無由暫聞分懷冤酷終此一生

分扶問翻

死若有知

冀奉見於泉下耳不謂齊朝解網惠以德音磨數四姑

竝許矜放

護兄弟呼其母為阿磨數四姑即周主之姑也第四朝直遙翻下同

初聞此旨

魂爽飛越

左傳鄭子產曰人生始化曰魄既生魄陽曰魂用物精多則魂魄強是以有精爽至於神

明號天叩地

號戶刀翻

不能自勝

勝音升下足勝同

齊朝霈然之恩

既已霑洽有家有國信義為本伏度來期已應有日

直朝

遙翻度徒洛翻

一得奉見慈顏永畢生願生死肉骨

生死謂使死者復生

肉骨謂使枯骨再肉

豈過今恩負山戴嶽未足勝荷

勝音升荷下可翻

齊

人留護母使更與護書邀護重報往返再三時段韶拒

突厥軍於塞下

厥九勿翻

齊主使黃門徐世榮乘傳齎周書

問韶韶以周人反覆本無信義比晉陽之役其事可知

護外託為相其實主也既為母請和

傳張應翻毗至翻相息亮翻為於

偽翻下主為同

不遣一介之使

使疏吏翻下同

若據移書即送其母恐

示之以弱不如且外許之待和親堅定然後遣之未晚

齊主不聽即遣之

護母至長安席未及煖而洛陽之師已出卒如段韶之言

閻氏至

周舉朝稱慶周主為之大赦凡所資奉窮極華盛每四

時伏臘周主帥諸親戚行家人之禮稱觴上壽

朝直還
翻帥讀

曰率下同
上時掌翻

突厥自幽州還

還從宣翻
又如字

留屯塞北更集

諸部兵遣使告周欲與共擊齊如前約閏月乙巳突厥

寇齊幽州晉公護新得其母未欲伐齊恐負突厥約更

生邊患不得已徵二十四軍及左右廂散隸秦隴巴蜀

之兵

二十四軍八柱國及十二大將軍所統關中諸府
兵也安定公泰相魏左右各十二軍並屬相府左

右廂禁衛兵也兼有秦隴巴蜀之
兵散隸於左右廂者散悉重翻

并羌胡內附者凡二

十萬人冬十月甲子周主授護斧鉞於廟庭丁卯親勞

軍於沙苑

勞力到翻

癸酉還宮護軍至潼關遣柱國尉遲迥

帥精兵十萬為前鋒趣洛陽大將軍權景宣帥山南之

兵趣懸瓠

山南荆襄之兵尉紆勿翻帥讀曰率下同趣七俞翻

少師楊柰出軹關

少始照翻樹與標翻

周迪復出東興

復扶又翻下衆復同

宣城太守錢肅

鎮東興以城降迪

守式又翻降戶江翻

吳州刺史陳詳將兵擊之

五代志都陽郡梁置吳州陳廢都陽之吳州而於吳郡置吳州將即亮翻又音如字領也

詳兵大敗

迪衆復振南豫州刺史西豐脫侯周敷帥所部擊之

法謚

無脫諡蓋以周最輕
既而死故以為諡

至定川

據周最傳
定川縣名

與迪對壘迪紹

敷曰吾昔與弟戮力同心

事見一百六十六卷梁敬
帝太平元年紹蕩亥翻

豈

規相害今願伏罪還朝

朝直
遙翻

因弟披露心腑先乞挺身

共盟敷許之方登壇為迪所殺 陳寶應據晉安建安

二郡水陸為柵以拒章昭達昭達與戰不利因據上流

命軍士伐木為筏施拍其上會大雨江漲昭達放筏衝

寶應水柵盡壞之

筏音伐
壞音怪

又出兵攻其步軍方合戰上

遣將軍余孝頃自海道適至

去年遣孝頃督會稽諸郡
兵自東道合攻陳寶應

并力乘之十一月己丑寶應大敗逃至莆口

莆口在唐泉州莆田

縣界莆田今興化軍即其地虞寄傳作莆田莆音蒲

謂其子曰早從虞公計不至

今日昭達追擒之并擒留異及其族黨送建康斬之異

子貞臣以尚主得免寶應賓客皆死上聞虞寄嘗諫寶

應命昭達禮遣詣建康既見勞之曰管寧無恙

漢末管寧客遼

東不受公孫度爵命已而復得還鄉里故以寄况之勞力到翻

以為衡陽王掌書記

上子

伯信封衡陽王奉獻王昌祀

周晉公護進屯弘農尉遲迥圍洛陽

雍州牧齊公憲同州刺史達奚武涇州總管王雄軍於

邙山

雍於用翻
邙音亡

戊戌齊主遣兼散騎常侍劉逖來聘

散悉重翻

騎奇寄翻

初周楊標為邵州刺史

五代志絳郡垣縣
後魏置邵郡及白

水縣後周置邵州改白水為亳
城隋廢州及郡改亳城為垣縣

鎮捍東境二十餘年數

與齊戰

數所
角翻

未嘗不捷由是輕之既出軹關獨引兵深

入又不設備甲辰齊太尉婁叡將兵奄至大破標軍標

遂降齊

將即亮翻下同
降戶江翻下同

權景宣圍懸瓠十二月齊豫州

道行臺豫州刺史太原王士良永州刺史蕭世怡竝以

城降之景宣使開府郭彥守豫州謝徹守永州

五代志
汝南郡

城陽縣舊置楚州後齊曰永州

送士良世怡及降卒千人於長安周人

為土山地道以攻洛陽三旬不克晉公護命諸將塹斷

河陽路

塹七艷翻
斷音短

逼齊救兵然後同攻洛陽諸將以為

齊兵必不敢出唯張斤候而已齊遣蘭陵王長恭大將

軍斛律光救洛陽畏周兵之彊未敢進齊主召并州刺

史段韶謂曰洛陽危急今欲遣王救之突厥在北復須

鎮禦如何

復扶
又翻

對曰北虜侵邊事等疥癬今西鄰闕逼

乃腹心之病請奉詔南行齊主曰朕意亦爾乃令韶督

精騎一千發晉陽

騎奇寄翻

丁巳齊主亦自晉陽赴洛陽

己未齊太宰平原靖翼王淹卒

段韶自晉陽行五日

濟河會連日陰霧壬戌韶至洛陽帥帳下三百騎與諸

將登邙阪觀周軍形勢

邙阪北邙之阪也帥讀曰率

至太和谷與周

軍遇韶即馳告諸營追集騎士結陳以待之

陳讀曰陣下光陳同

韶為左軍蘭陵王長恭為中軍斛律光為右軍周人不

意其至皆怛懼

怛許拱翻

韶遙謂周人曰汝宇文護纔得其

母遽來為寇何也周人曰天遣我來有何可問韶曰天

道賞善罰惡當遣汝送死來耳周人以步兵在前上山

逆戰

上北邙逆齊兵與戰上時掌翻

韶且戰且却以誘之

誘音酉

待其力

弊然後下馬擊之周師大敗一時瓦解投墜谿谷死者

甚衆蘭陵王長恭以五百騎突入周軍遂至金墉城下

城上人弗識長恭免胄示之面乃下弩手救之周師在

城下者亦解圍遁去委棄營幕自邙山至穀水

水經穀水出弘

農澠池縣墻塚林穀陽谷東北過穀城縣北又東過河南縣北東南入于洛

三十里中軍資

器械彌滿川澤唯齊公憲達奚武及庸忠公王雄在後

勒兵拒戰

蓋法危身奉上曰忠

王雄馳馬衝斛律光陳光退走雄

追之光左右皆散唯餘一奴一矢雄按稍不及光者丈

餘

稍色角翻

謂光曰吾惜爾不殺當生將爾見天子光射雄

中額雄抱馬走至營而卒

射而亦翻中竹仲翻卒子恤翻

軍中益懼齊

公憲拊循督勵衆心小安至夜收軍憲欲待明更戰達

奚武曰洛陽軍散人情震駭若不因夜速還明日欲歸

不得武在軍久備見形勢公少年未經事

少詩照翻

豈可以

數營士卒委之虎口乎乃還權景宣亦棄豫州走下邳

齊主至洛陽己巳以段韶為太宰斛律光為太尉蘭陵

王長恭為尚書令

賞戰勝之功也

壬申齊主如虎牢遂自滑臺

如黎陽丙子至鄴楊忠引兵出沃野應接突厥軍糧不

給諸軍憂之計無所出忠乃招誘稽胡酋長咸在坐

此稽

胡與離石稽胡同種散居銀夏之間誘音酉酋慈秋翻長知兩翻坐但卧翻

詐使河州刺史

王傑勒兵鳴鼓而至曰大冢宰已平洛陽欲與突厥共

討稽胡之不服者坐者皆懼忠慰諭而遣之於是諸胡

相帥饋輸軍糧填積屬周師罷歸忠亦還

帥讀曰率屬之欲翻

晉

公護本無將畧是行也又非本心故無功

兵出無名事故不成其字

文護之謂乎將即亮翻

與諸將稽首謝罪周主慰勞罷之

稽音啓勞力到

翻

是歲齊山東大水饑死者不可勝計

勝音升

宕昌

王梁彌定屢寇周邊周大將軍田弘討滅之以其地置

宕州

宕州在長安西南一千六百五十六里宕徒浪翻

六年春正月癸卯齊以任城王潛為大司馬

潛戶皆翻又音皆任

音齊主如晉陽 二月辛丑周遣陳公純許公貴神

武公竇毅南陽公楊荐等

魏收志朔州有神武郡領尖山樹頽二縣水經注樹頽水

出沃陽縣東山下西南流右合詰升爰水其水左合中陵川後魏置神武郡於神武川治尖山縣隋為神武縣屬馬邑郡
荐在旬翻 備皇后儀衛行殿并六宮百二十人詣突厥

可汗牙帳逆女毅熾之兄子也

熾時為柱國周主既誅宇文護以為太傅

丙寅周以柱國安武公李穆為大司司空綏德公陸通為

大司寇

李穆陸通皆縣公也五代志襄陽郡舊有安武縣西魏併為南漳縣離陰郡有綏德縣西魏置

壬申周主如岐州 夏四月甲寅以安成王頊為司

空頊以帝弟之重勢傾朝野直兵鮑僧叡恃頊勢為不

法

自秦以來王公府皆有直兵

御史中丞徐陵為奏彈之從南臺官

屬引奏案而入

御史臺為南臺

上見陵章服嚴肅為斂容正坐

為於偽翻

陵進讀奏版時項在殿上侍立仰視上流汗

失色陵遣殿中御史引項下殿

殿中侍御史居殿中察非法故使之引項下殿

上為之免項侍中中書監朝廷肅然 丙午齊大將軍

東安王婁叡坐事免 齊著作郎祖珽有文學多技藝

而疎率無行

珽它鼎翻技渠綺翻行下孟翻

嘗為高祖中外府功曹

高歡

都督中外諸軍事以珽為府功曹

因宴失金叵羅

叵羅盃觥之屬叵音火翻

於珽髻

上得之又坐詐盜官粟三千石鞭二百配甲坊

珽與令史李雙

倉督成祖等作晉州啓請粟三千石琕琕代功曹趙彥深宣敕給之事覺鞭配

顯祖時琕為秘

書丞盜華林遍略及有它贓當絞除名為民

華林遍畧梁武帝集

諸學士所撰也南人持至鄴下賣之高澄集書吏一日一夜寫畢退還其本琕盜遍略數帙質錢携捕重以得罪至顯祖時又盜遍略一部及擬補令史十餘人皆有受由是除名顯祖雖憎其數犯法

而愛其才伎令直中書省

伎渠綺翻

世祖為長廣王琕為胡

桃油獻之

琕善為胡桃油以塗畫

因言殿下有非常骨法孝徵夢

殿下乘龍上天

孝徵祖琕字也是時人多以字行上時掌翻

王曰若然當使

兄大富貴及即位擢拜中書侍郎遷散騎常侍與和士

開共為姦諂珽私說士開曰君之寵幸振古無比

振古猶云

自古也說式尚翻
下宜說微說同

宮車一日晚駕

晚晏也義
與晏駕同

欲何以克

終士開因從問計珽曰宜說主上云文襄文宣孝昭之

子俱不得立今宜令皇太子早踐大位以定君臣之分

踐慈演翻
分扶問翻

若事成中宮少主必皆德居此萬全計也請

君微說主上令粗解

少詩照翻粗坐五
翻解戶買翻曉也

珽當自外上表

論之士開許諾會有彗星見

彗祥歲翻
見賢遍翻

太史奏云彗除

舊布新之象當有易主珽於是上書言陛下雖為天子

未為極貴宜傳位東宮且以上應天道并上魏顯祖禪

子故事

見一百三十二卷宋明帝泰始六年是上并上時掌翻下公上同

齊主從之丙

子使太宰段韶持節奉皇帝璽綬傳位於太子緯太子

即皇帝位於晉陽宮

諱緯字仁綱武成帝之長子也璽斯氏翻綬音受

大赦改

元天統又詔以太子妃斛律氏為皇后於是羣公上世

祖尊號為太上皇帝軍國大事咸以聞使黃門侍郎馮

子琮尚書左丞胡長粲輔導少主出入禁中專典敷奏

子琮胡后之妹夫也祖珽拜秘書監加儀同三司大被

親寵

被皮義翻

見重二宮

丁丑齊以賀拔仁為太師侯莫

陳相為太保馮翊王潤為司徒趙郡王叡為司空河南

王孝琬為尚書令戊寅以瀛州刺史尉粲為太尉斛律

光為大將軍東安王婁叡為太尉

尉粲婁叡並為太尉此承齊紀之誤按尉

粲傳粲為太傅當從之婁叡封郡王五代志郎邪郡沂水縣舊置東安郡

尚書僕射趙彥深

為左僕射

按齊紀彥深自右僕射遷為左僕射

五月突厥遣使至齊

使疏

史翻始興齊通

六月己巳齊主使兼散騎常侍王季高

來聘秋七月辛巳朔日有食之

上遣都督程靈洗

自鄱陽別道擊周迪破之迪與麾下十餘人竄於山穴

中日月浸久從者亦稍苦之

從才用翻

後遣人潛出臨川市

魚鮭

吳人總稱魚菜為鮭音戶皆翻

臨川太守駱牙執之令取迪自效

因使腹心勇士隨之入山其人誘迪出獵

守式又翻誘音酉

勇

士伏於道傍出斬之丙戌傳首至建康 庚寅周主如

秦州八月丙子還長安 己卯立皇子伯固為新安王

伯恭為晉安王伯仁為廬陵王伯義為江夏王

夏戶雅翻

冬十月辛亥周以函谷關城為通洛防以金州刺史賀

若敦為中州刺史鎮函谷

五代志河南鄆新安縣後周置中州杜佑曰在今洛州新安

縣敦恃才負氣顧其流輩皆為大將軍敦獨未得兼以

湘州之役全軍而返謂宜受賞翻得除名

事見上卷元年二年

對

臺使出怨言

使疏吏翻

晉公護怒徵還逼令自殺臨死謂其

子弼曰吾志平江南今而不果汝必成吾志吾以舌死

汝不可不思因引錐刺弼舌出血以誠之

刺七亦翻弼能從父之志

而取江南不能守父之戒而保其身

十一月癸未齊太上皇至鄴 齊

世祖之為長廣王也數為顯祖所捶

數所角翻捶止藥翻

心常銜

之顯祖母見祖珽常呼為賊故珽亦怨之且欲求媚於
世祖乃說世祖曰文宣狂暴何得稱文既非創業何得
稱祖若文宣為祖陛下萬歲後當何所稱帝從之己丑
改諡太祖獻武皇帝廟號高祖獻明皇后為武明皇后
令有司更議文宣諡號說式芮翻更工
衡翻諡神至翻十二月乙卯
封皇子伯禮為武陵王 壬戌齊上皇如晉陽 庚午
齊改諡文宣皇帝為景烈皇帝廟號威宗諡法布義行
剛曰景有功

安民曰烈猛以彊果曰威有
威可畏曰威以刑服遠曰威

天康元年

是年二月改元

春正月己卯日有食之

癸未周大

赦改元天和

辛卯齊主祀圜丘癸巳禘太廟

五代志齊制圜

丘方澤並三年一祭謂之禘祀圜丘則以蒼璧束帛正月上年祀昊天上帝太廟則春祠夏禴秋嘗冬蒸皆以五月并臘凡五祭三年一禘五年一禘謂之殷祭

丙申齊以吏部尚書尉瑾

為右僕射

己亥周主耕籍田

籍在亦翻

庚子齊主如晉

陽周遣小載師杜果來聘

周禮載師掌任土之法以物地事授地職而待其政

令屬地官其官有上士二人中士四人而無大小之別五代志後周置載師掌任土之法辨夫家田里之數會六畜車乘之稽審賦役斂弛之節制畿

疆修廣之役頒施惠之要審牧產之政

二月庚戌齊

上皇還鄴 丙子大赦改元

改元天康

三月己卯以安成

王頊為尚書令 丙午周主祀南郊夏四月辛亥大雩

上不豫臺閣衆事竝令尚書僕射到仲舉五兵尚書

孔奐共決之奐琇之之曾孫也

孔琇之見一百三十九卷齊明帝建武元年琇

音秀疾篤奐仲舉與司空尚書令揚州刺史安成王頊吏

部尚書袁樞中書舍人劉師知入侍醫藥樞君止之子

也 袁君正見一百六十三卷梁武帝太清三年

太子伯宗柔弱上憂其不能

守位謂頊曰吾欲遵太伯之事

言以天

下讓也 頊拜伏泣涕固

辭上又謂仲舉與等曰今三方鼎峙四海事重宜須長

君

長知兩翻

朕欲近則晉成遠隆殷法

晉成帝立母弟為嗣事見九十七卷咸康

八年殷法

卿等宜遵此意孔與流涕對曰陛下御膳違

兄死弟反

和痊復非久

痊愈也復謂後初痊且緣翻

皇太子春秋鼎盛聖德日

躋

毛萇曰躋升也鄭立曰言日進也

安成介弟之尊足為周旦若有廢

立之心臣等愚誠不敢聞詔上曰古之遺直復見於卿

復扶又翻

乃以與為太子詹事

臣光曰夫人臣之事君將順其美正救其惡

孝經記夫子之

言孔奐在陳處腹心之重任

虞昌呂翻

決社稷之大計苟

以世祖之言為不誠則當如竇嬰面辯袁盎廷爭

竇嬰

事見十六卷漢景帝三年袁

盎事見十二年爭讀曰諍

防微杜漸以絕覬覦之

心

覬音冀覦音俞

以為誠邪

邪音耶

則當請明下詔書宣告中

外使世祖有宋宣之美高宗無楚靈之惡

左傳宋宣公舍其子

與夷而立其弟穆公穆公卒捨其子馮而立與夷君

子曰宋宣公可謂知人矣立穆公其子饗之楚康王

有疾其弟圉入問王疾繼而弑之遂殺

不然謂太子

其二子幕及平夏而自立是為靈王

嫡嗣不可動搖欲保輔而安全之則當盡忠竭節如

晉之荀息趙之肥義

左傳晉獻公有疾屬其子奚齊於荀息荀息曰臣竭其股肱之力

繼之以死公薨里克殺奚齊荀息將死之人曰不如立卓子而輔之荀息立卓子以冀獻公里克殺卓子

荀息死之肥義事見四卷周赧王二十年

奈何於君之存則逆探其情而

求合焉

探吐南翻

及其既沒則權臣移國而不能救嗣主

失位而不能死斯乃姦諛之尤者而世祖謂之遺直

以託六尺之孤豈不悖哉

悖蒲內翻

癸酉上殂

殂祚故翻

上起自艱難知民疾苦性明察儉約每

夜刺閨取外事分判者前後相續

以錐蒿物曰刺閨宮中小門也就閨中刺

取外事故曰刺
閏刺七賜翻

敕傳更籤於殿中者必投籤於階石之

上令鎗然有聲

更工銜翻更籤更
籌也鎗楚庚翻

曰吾雖眠亦令驚覺

覺古
孝翻

太子即位大赦五月己卯尊皇太后曰太皇太后

皇后曰皇太后

乙酉齊以兼尚書左僕射武興王普

為尚書令

吐谷渾龍涸王莫昌帥部落附於周以其

地為扶州

五代志同昌郡嘉誠縣後周置縣并龍涸郡
及扶州總管府吐從職入聲谷音浴帥讀曰

率

庚寅以安成王頊為驃騎大將軍司徒錄尚書都

督中外諸軍事

頊吁玉翻驃匹
妙翻騎奇寄翻

丁酉以中軍大將軍開

府儀同三司徐度為司空以吏部尚書袁樞為左僕射

吳興太守沈欽為右僕射

守式又翻

御史中丞徐陵為吏部

尚書陵以梁末以來選授多濫乃為書示眾曰梁元帝

承侯景之凶荒王太尉接荊州之禍敗

王太尉謂僧辯也荊州禍敗謂

江陵陷沒也

故使官方窮此紛雜

方法也窮極也

永安之時

南史徐陵傳作

永定永定高祖受禪初元也當從之

聖朝草創白銀難得黃札易營

朝直遙翻

易以鼓翻

權以官階代於錢絹致令員外常侍路上比肩諮

議參軍市中無數豈是朝章固應如此

朝直遙翻

今夜冠禮

樂日當年華

謂一日富於一日
一年華於一年也

何可猶作舊意非理望

也衆咸服之

己亥齊立上皇子弘為齊安王仁固為

北平王仁英為高平王仁光為淮南王 六月齊遣兼

散騎常侍韋道儒來聘

散恭皇翻
騎奇寄翻

丙寅葬文皇帝於

永寧陵廟號世祖 秋七月戊寅周築武功等諸城以

置軍士

武功即漢扶風武功縣周紀築武功
郡斜谷武都留谷津坑諸城

丁酉立妃王氏

為皇后

臨海王
立后

八月齊上皇如晉陽

周信州蠻冉令

賢向五子王等據巴峽反

巴峽在巴郡巴縣有明月
廣德等峽亦謂之三峽

攻

陷白帝黨與連結二千餘里周遣開府儀同三司元契
趙剛等前後討之終不克九月詔開府儀同三司陸騰
督開府儀同三司王亮司馬裔討之騰軍於湯口

水經
江水

自朐腮縣東逕瞿巫灘左
則湯溪水注之謂之湯口

令賢於江南據險要置十城

速結潯陽蠻為聲援

潯鈕簪翻丁度曰潯陽渚在郢中
此蓋荊州蠻也又水經潯水出漢

中南鄭縣東南旱山東北流逕成固縣南城北至沔
陽縣南入於沔水經又曰潯水出作唐縣西北天門郎
界東南流注於澧水九域志江陵府公
安縣有潯陽鎮此潯陽當從九域志

自帥精卒固守

水邏城

鍾讀曰率
運即佐翻

騰召諸將問計皆欲先取水邏後攻

江南騰曰令賢內恃水邏金湯之固外託潯陽輔車之
援資糧充實器械精新以我懸軍攻其嚴壘脫一戰不
克更成其氣不如頓軍湯口先取江南翦其羽毛然後
進軍水邏此制勝之術也乃遣王亮帥衆度江旬日拔
其八城捕虜及納降各千計遂間募驍勇間當作簡數
道進攻水邏蠻帥冉伯犁冉安西素與令賢有仇騰說
誘賂以金帛使為鄉導帥讀曰率說式水邏之旁有石
勝城令賢使其兄子龍真據之騰密誘龍真龍真遂以

為翻鄉讀曰嚮

驍聖光翻

數

城降水邏衆潰斬首萬餘級捕虜萬餘口令賢走追獲

斬之騰積骸於水邏城側為京觀是後羣蠻望之輒大

哭不敢復叛

觀古玩翻復扶又翻

向五子王據石墨城使其子寶

勝據雙城

今歸州巴東縣北臨大江有鐵鎗頭長數丈經數百年不損目曰向王鎗蓋諸向所據處

也水邏既平騰頻遣諭之猶不下進擊皆擒之盡斬諸

酋長捕虜萬餘口

酋慈秋翻長知兩翻

信州舊治白帝騰徙之

於八陳灘北

諸葛亮壘石為八陣於魚復平沙之上今謂之八陣磧夔州圖經云八陣磧在奉節

縣西南七里又云在永安宮南一里渚下平磧上聚細石為之各高五丈皆碁布相當中間相去九尺正中開

南北巷志廣五尺凡六十四聚或為人散亂及為夏水所沒水退則依然如故又有二十四聚作兩層其後每

層各十二聚
陳讀曰陣
以司馬裔為信州刺史小吏部隴西辛昂

周既建六官以六部分
屬六官小吏部屬天官
奉使梁益且為騰督軍糧

使疏吏翻

下同為
時臨信楚合等州民多從亂

五代志巴東郡臨江縣後周置臨州

已郡梁置楚州洛陵郡西魏
置合州唐改臨州為忠州
昂諭以禍福赴者如歸乃

令老弱負糧壯夫拒戰咸樂為用

樂音洛

使還會巴州萬

榮郡民反

五代志清化郡梁置巴州所領永穆縣舊置萬榮郡唐志永穆縣屬通州我朝改通州為

達攻圍郡城逼絕山路昂謂其徒曰凶狡猖狂若待上

聞孤城必陷苟利百姓專之可也遂募通開二州

五代志通

川郡梁置萬州西魏曰通州所領西流縣後魏之漢興

縣也西魏置開州唐省西流縣入盛山縣杜佑曰通州

漢宕渠之地梁於此置萬州以州內地萬餘

頃故以為名西魏改通州以居四達之地得三千人

倍道兼行出其不意直趣賊壘

趣七喻翻

賊以為大軍至望

風瓦解一郡獲全周朝嘉之以為渠州刺史

五代志宕渠郡梁置

渠州朝直遙翻

冬十月齊以侯莫陳相為太傅任城王潛為

太保婁叡為大司馬馮翊王潤為太尉開府儀同三司

韓祖念為司徒 庚申帝享太廟 十一月乙亥周遣

使來弔

使疏
吏翻

丙戌周主行視武功等新城

行下
孟翻

十二

月庚申還長安

齊河間王孝琬怨執政

怨護殺其
兄孝瑜也

為

草人而射之

射而
亦翻

和士開祖珽譖之於上皇曰草人以

擬聖躬也又前突厥至并州孝琬脫兜鍪抵地

抵諸氏
翻側擊

也北齊書作
抵丁禮翻

云我豈老嫗須著此物此言屬大家也

威嫗

遇翻著侈略翻屬之欲翻此時已
謂天子為大家言比上皇於婦人

又魏世謠言河南種

穀河北生白楊樹上金雞鳴河南北者河間也孝琬將

建金雞大赦耳

五代志曰後齊赦日武庫令設金雞及
鼓於闕門外之右集囚於闕前揭鼓千

聲釋焉爾雅翼曰海中星占曰天雞聲動為有赦故後魏北齊赦日皆設金雞揭竿

上皇頗惑

之會孝琬得佛牙置第內夜有光上皇聞之使搜之得

填庫稍幡數百

填讀曰鎮稍色角翻

上皇以為反具收訊諸姬有

陳氏者無寵誣孝琬云孝琬常畫陛下像而哭之其實

世宗像也

孝琬父澄謚文襄皇帝廟號世宗

上皇怒使武衛赫連輔立

倒鞭撻之

倒鞭者執小頭以大頭撻之

孝琬呼叔上皇曰何敢呼我

為叔孝琬曰臣神武皇帝嫡孫文襄皇帝嫡子魏孝靜

皇帝之甥何為不得呼叔上皇愈怒折其兩脛而死

折而

設翻安德王延宗哭之淚赤

延宗亦文襄之子幼為文宣所養問欲作何王對曰欲作

衡天王文宣問楊愔愔曰天下無此郡名願使安於德乃封安德王淚赤者泣盡而繼之以血也魏中興初分

樂陵置又為草人鞭而訊之曰何故殺我兄奴告之上

皇覆延宗於地馬鞭鞭之二百幾死

幾居依翻

是歲齊賜

侍中中書監元文遙姓高氏

文遙孝昭帝之后黨也

頃之遷尚書

左僕射魏末以來縣令多用廝役

廸音斯今相傳讀從詵入聲

由是

士流恥為之文遙以為縣令治民之本

治直翻

遂請草選

草更改也密擇貴遊子弟發敕用之猶恐其披訴悉召之集

神武門令趙郡王叡宣旨唱名厚加慰諭而遣之齊之
士人為縣自此始

資治通鑑卷一百六十九

欽定四庫全書

總校官庶吉士臣侍朝

校對官檢討臣龔大萬

謄錄監生臣張元輯

欽定四庫全書薈要

史部

資治通鑑卷二百


七十一

詳校官編修臣汪鏞



資治通鑑卷一百七十 宋 司馬光 撰

胡三省 音註

 陳紀四

起彊圉大淵獻盡重光單閼凡五年

臨海王

諱伯宗字奉業小字藥王文帝嫡長子也

光大元年春正月癸酉朔日有食之 尚書左僕射袁

樞卒

卒子恤翻

乙亥大赦改元

改元光大

辛卯帝祀南郊

壬辰齊上皇還鄴

去年八月如晉陽今還

己亥周主耕藉田

又藉

尺

二月壬寅朔齊主加元服大赦初高祖為梁相

高祖殺王僧辨立梁敬帝遂相之因以受禪相息亮

下同

用劉師知為中書舍人

師知涉學工文練習儀體

儀體謂朝儀國體

歷世祖朝雖位官

不遷而委任甚重

朝直遙

與揚州刺史安成王顓尚書

僕射到仲舉同受遺詔輔政師知仲舉恒居禁中參決

衆事

恒戶登翻

顓與左右三百人入居尚書省師知見顓地

望權勢為朝野所屬心忌之

屬之

與尚書左丞王暹等

謀出顓於外

暹思

衆猶豫未敢先發東宮通事舍人殷

不佞素以名節自任

按蕭子顯齊志東宮職僚未有通事舍人五代志梁東宮官有通事

守舍人典法守舍人典法守舍人陳因之

又受委東宮

言在東宮為上所親委

乃馳詣

相府

是時尚書省為相府

矯敕謂項曰今四方無事王可還東府

經理州務

州務謂楊州事務

項將出中記室毛喜

五代志梁制蕃王國及庶

姓有持節府有中錄事中記室

馳入見項曰陳有天下日淺國禍繼臻

謂八年之間國連有大喪

中外危懼太后深惟至計

惟思也

令王入省

共康庶績今日之言必非太后之意宗社之重願王三

思

三息暫翻又如字

須更聞奏無使奸人得肆其謀今出外即

受制於人譬如曹爽願作富家翁其可得邪

曹爽事見四十五卷

魏邵陵厲公
嘉平元年

項遣喜與領軍將軍吳明徹籌之明徹曰

嗣君諒闇

闇音陰

萬機多闕殿下親實周召當輔安社稷

願留中勿疑項乃稱疾召劉師知留之與語使毛喜先

入言於太后太后曰今伯宗幼弱政事並委二郎

文帝居長

項居次故
稱為二郎

此非我意喜又言於帝帝曰此自師知等所

為朕不知也喜出以報項項因囚師知自入見太后及

帝

見賢
通翻

極陳師知之罪仍自草敕請畫

請畫可也

以師知付

廷尉其夜於獄中賜歿以到仲舉為金紫光祿大夫王

暹殷不佞並付治

付治付有司治罪也或作付治付東治使徒作也以下文不害免官言之

治字為是

不佞不害之弟也少有孝行

不佞少居父喪還息廉翻

之陷不佞母歿于亂兵不佞在吳道路隔絕久不得奔赴四年之中晝夜號泣居處飲食常為居喪之禮後其兄不齊迎母喪歸葬不佞居處之節如始聞問若此者又三年身自負土手植松柏每歲時伏臘必三日不食

少詩照翻

行下孟翻 項雅重之故獨得不歿免官而已王暹伏誅

自是國政盡歸於項

劉師知之事大類楊愔

右衛將軍會稽韓子

高鎮領軍府在建康諸將中士馬最盛

會工外翻將即亮翻

與仲

舉通謀事未發毛喜請簡士馬配子高并賜鐵炭使修

器甲項驚曰子高謀反方欲收執何為更如是邪

邪音耶

喜曰山陵始畢邊寇尚多而子高受委前朝名為杖順

若收之恐不即授首或能為人患宜推心安誘

朝直遙翻誘音

酉使不自疑伺間圖之一壯士之力耳項深然之

問古覓翻

考異曰陳書文沈后傳云安成王既專沈太后憂悶計無所出乃密賂宦者蔣裕令誘建安人張安國使據郡反冀因此以圖高宗安國事覺並為高宗所誅時后左右近侍頗知其事后恐連逮黨與並殺之按后欲圖高宗而令安國據建安反理不相涉且后若仲舉既廢實有此謀高宗既立后豈得自全今刪去

歸私第心不自安子郁尚世祖妹信義長公主

信義郡名五代

志吳郡常熟縣梁置信義郡長知兩翻

除南康內史未之官子高亦自危

求出為衡廣諸鎮郁每乘小輿蒙婦人衣與子高謀會

前上虞令陸昉及子高軍主告其謀反

昉分周翻

項在尚書

省因召文武在位議立皇太子平旦仲舉子高入省皆

執之

到仲舉既廢歸私第非在位者蓋項召其會議因而執之

并郁送廷尉下詔於

獄賜死

考異曰陳書子高傳死在光大元年八月按華皎傳子高誅後皎始謀叛帝紀此年五月皎

已謀反又慈訓太后令先言劉師知子高誅後乃及余孝頃始興王伯茂傳師知等誅後伯茂乃進號中衛然

則子高傳誤也餘黨一無所問 辛亥南豫州刺史余孝頃坐

謀反誅 癸丑以東揚州刺史始興王伯茂為中衛大

將軍開府儀同三司

梁置四中將軍軍衛撫護止施於內

伯茂帝之母弟

也劉師知韓子高之謀伯茂皆預之司徒項忍扇動內

外故以為中衛專使之居禁中與帝遊處

虞昌呂翻

三月

甲午以尚書右僕射沈欽為侍中左僕射

史言沈欽官兼兩省

夏四月癸丑齊遣散騎常侍司馬幼之來聘

散悉賈翻騎奇寄翻

湘州刺史華皎

華戶化翻

聞韓子高或內不自安

皎與劉師知韓

子高皆為文帝所親任
二人既死故皎不自安
繕甲聚徒撫循所部啓求廣州

以下朝廷之意司徒項偽許之而詔書未出皎遣使潛

引周兵又自歸於梁以其子玄響為質

使疏吏翻質音致

五月

癸巳項以丹楊尹吳明徹為湘州刺史甲午齊以東

平王儼為尚書令司徒項遣吳明徹帥舟師三萬趣

郢州

帥讀曰率下同趣七喻反下同

丙申遣征南大將軍淳于量帥舟

師五萬繼之又遣冠武將軍楊文通從安成步道出茶

陵

梁置冠武將軍與折衝同班五代志廬陵郡安復縣舊置安成郡茶陵縣漢屬長沙郡吳分屬湘東郡隋

并入衡山郡湘潭縣九域志茶陵縣屬衡州在州東三百五十五里

巴山太守黃法慧從

宜陽出澧陵

宜陽即豫章郡宜春縣也晉孝武帝更名宜陽避太后諱也隋復曰宜春縣帶袁州

後漢立醴陵縣屬長沙郡九域志在郡東一百六十里自宜春至醴陵二百二十里守式又翻

共襲華

皎并與江州刺史章昭達郢州刺史程靈洗合謀進討

六月壬寅以司空徐度為車騎將軍總督建康諸軍步

道趣湘州

辛亥周主尊其母叱奴氏為皇太后

按魏收官

氏志拓跋興於代北兼并他部以本部中別族為內姓其他諸部隨方分之北方有叱奴氏

已未

齊封皇弟仁機為西河王仁約為樂浪王

樂音洛下同浪音琅

仁

儉為潁川王仁雅為安樂王仁直為丹陽王

考異曰北齊書帝紀

名統今從列傳統謂仁直

仁謙為東海王

皆郡王也五代志安樂郡密雲縣舊置安樂郡

華皎使者至長安梁王亦上書言狀且乞師

華戶化翻使疏吏翻

上時掌翻

周人議出師應之司會崔猷曰前歲東征死傷過

半

謂攻齊洛陽也事見上卷文帝天嘉五年會古外翻

比雖循撫瘡痍未復今陳

氏保境息民共敦鄰好

比毗至翻好呼到翻

豈可利其土地納其

叛臣違盟約之信興無名之師乎晉公護不從閏六月

戊寅遣襄州摠管衛公直督柱國陸通大將軍田弘權

景宣元定等將兵助之

將即亮翻又音如字領也

辛巳齊左丞相

咸陽武王斛律金卒年八十長子光為大將軍

相息亮翻卒子

恤翻長知兩翻

次子羨及孫武都並開府儀同三司出鎮方岳

斛律羨鎮幽州武都鎮梁究二州

其餘子孫封侯顯貴者甚衆門中一

皇后二太子妃

金子光長女孝昭納為太子妃次女武成納為太子妃後主受內禪立為皇后

三公主

按後祖珽言光男尚公主蓋光子武都世雄恒如皆尚主也

事齊貴寵三世

無比自肅宗以來禮敬尤重每朝見常聽乘步挽車至

階

朝直遙翻見賢遍翻步挽車不用牛馬令人步挽之

或以羊車迎之然金不以

為喜嘗謂光曰我雖不讀書聞古來外戚鮮有能保其

族者

鮮息
淺翻

女若有寵為諸貴所嫉無寵為天子所憎我

家直以勛勞致富貴何必藉女寵也

史言斛律
金有識

壬午

齊以東平王儼錄尚書事以左僕射趙彥深為尚書令

并省尚書左僕射婁定遠為左僕射

自并省入為
鄴省左僕射

中書

監徐之才為右僕射定遠昭之子也

昭婁后
之弟

秋七月

戊申立皇子至澤為太子八月齊以任城王潛為太

師

任音壬潛音
皆又戶皆翻

馮翊王潤為大司馬段韶為左丞相賀

拔仁為右丞相侯莫陳相為太宰婁叡為太傅斛律光
為太保韓祖念為大將軍趙郡王叡為太尉東平王儼
為司徒儼有寵於上皇及胡后皆兼京畿大都督領軍
大將軍領御史中丞魏朝故事中丞出與皇太子分路
分路而行不引車
避道朝直送翻
王公皆遙駐車去牛頓輓於地以待

其過

去羌呂翻
輓於草翻

其或遲違

不即駐車頓輓
是遲遲為違法

則前驅以赤

棒棒之

棒部
項翻

自遷鄴以後此儀廢絕上皇欲尊寵儼命

一遵舊制儼初從北宮出將上中丞

將上時掌翻今人
謂領職視事為禮

上凡京畿步騎領軍官屬中丞威儀司徒鹵簿莫不畢

從

騎奇寄翻
從才用翻

上皇與胡后張幕於華林園東門外而觀

之遣中使驟馬趣仗

趣儼前導儀仗也使
疏吏翻趣七喻翻

不得入自言

奉敕赤棒卒應聲碎其鞍馬驚人墜上皇大笑以為善

更敕駐車勞問良久

勞問儼也
勞力到翻

觀者傾鄴城儼恒在宮

中坐含光殿視事

恒戶登
翻下同

諸父皆拜之上皇或時如并

州

晉陽官
在并州

儼恒居守

恒戶登翻
守式又翻

每送行或半路或至晉

陽乃還

還從宣翻
又音如字

器玩服飾皆與齊主同所須悉官給

嘗於南宮見新冰早李

齊主時居鄴之南宮儼從上皇胡后居北宮

還怒曰

尊兄已有我何意無

儼常謂齊主為尊兄

自是齊主或先得新奇

屬官及工人必獲臯儼性剛決嘗言於上皇曰尊兄懦

何能帥左右上皇每稱其才有廢立意胡后亦勸之既

而中止

儼與齊主既定君臣之分而常以兄弟相呼又有奪嫡之意史歷言之為儼怙寵致禍張本帥

讀曰率

華皎遣使誘章昭達昭達執送建康又誘程靈

洗靈洗斬之

華戶化翻使疏吏翻誘音酉下並同

皎以武州居其心腹

五代

志武陵郡梁置武州

遣使誘都督陸子隆子隆不從遣兵攻之不

克巴州刺史戴僧朔等並隸於皎

文帝命皎都督湘巴等四州五代志巴陵

郡梁置巴州

長沙太守曹慶等本隸皎下遂為之用

湘州與長沙郡

同治所以州統郡故曰本隸皎下守手又翻

司徒項恐上流守宰皆附之乃

曲赦湘巴二州九月乙巳悉誅皎家屬梁以皎為司空

遣其柱國王操將兵二萬助之周權景宣將水軍元定

將陸軍衛公直搃之與皎俱下

將即亮翻又音如字領也

淳于量軍

夏口直軍魯山使元定以步騎數千圍郢州

騎奇寄翻考異曰

陳帝紀云步騎二萬蓋

皎軍于白螺

水經江水過長沙下雋縣北湘水從

南來注之江水又東過彭城口又東過如山
北又東過白螺山南螺盧戈翻雋辭充翻 與吳明徹

等相持徐度楊文通由嶺路襲湘州

嶺路即前所出安成宜陽步道也

盡獲其所留軍士家屬皎自巴陵與周梁水軍順流乘
風而下軍勢甚盛戰于沌口

沌柱充翻

量明徹募軍中小艦

多賞金銀令先出當西軍大艦受其拍西軍諸艦發拍
皆盡然後量等以大艦拍之西軍艦皆碎沒于中流

戰船

置拍竿發之以拍敵船艦戶黯翻

西軍又以艦載薪因風縱火俄而風

轉自焚西軍大敗皎與戴僧朔單舸走

舸古我翻

過巴陵不

敢發岸

發恐當作登

逕奔江陵衛公直亦奔江陵元定孤軍

進退無路斫竹開徑且戰且引欲趣巴陵

趣七喻翻

巴陵已

為徐度等所據度等遣使偽與結盟許縱之還國定信

之解仗就度度執之盡俘其衆

考異曰陳書云獲萬餘人馬四千匹亦恐夸

誕今不取

并擒梁大將軍李廣定憤恚而卒

恚於避翻

皎黨

曹慶等四十餘人並伏誅唯以岳陽太守章昭裕昭達

之弟桂陽太守曹宣高祖舊臣衡陽內史汝陰任忠嘗

有密啓皆宥之吳明徹乘勝攻梁河東拔之

守式又翻五代志巴

陵郡湘陰縣梁置岳陽郡桂陽郡郴縣梁置桂陽郡長沙郡衡山縣舊置衡陽郡陳以衡陽為王國故置內史

南郡松滋縣舊置

周衛公直歸罪於梁柱國殷亮梁主

知非其罪然不敢違遂誅之周與陳既交惡周沔州刺

史裴寬白襄州總管請益戍兵并遷城於羊蹄山以避

水

五代志沔陽郡觀山縣梁置梁安郡西魏改曰魏安郡置江州廢帝三年改曰沔州觀山有陽臺山在漢

川之南三十五里土俗訛為羊蹄山

總管兵未至程靈洗舟師奄至城下

會大雨水暴漲靈洗引大艦臨城發拍擊樓堞皆碎

堞徒

協矢石晝夜攻之三十餘日陳人登城寬猶帥眾執短

兵拒戰

帥讀曰率

又二日乃擒之 丁巳齊上皇如晉陽山

東水饑

按李百藥書山東大水人饑

僵尸滿道

僵居良翻

冬十月甲申

帝享太廟

十一月戊戌朔日有食之

丙午齊大赦

癸丑周許穆公宇文貴自突厥還卒于張掖

宇文貴與陳公

純等如突厥逆女突厥留之貴以疾先得還厥九勿翻還從宣翻又音如字卒子恤翻掖音亦

齊上

皇還鄴 十二月周晉公護母卒

卒子恤翻

詔起令視事

令

丁翻齊祕書監祖珽與黃門侍郎劉逖友善珽欲求宰

相乃疏趙彥深元文遙和士開罪狀令逖奏之逖不敢

通彥深等聞之先詣上皇自陳上皇大怒執珽詰之

珽它

昂翻詰去吉翻

珽因陳士開文遙彥深等朋黨弄權賣官鬻獄

事上皇曰爾乃誹謗我珽曰臣不敢誹謗陛下取人女

上皇曰我以其饑饉收養之耳珽曰何不開倉振給乃

買入後宮乎上皇益怒以刀環築其口鞭杖亂下將撲

殺之

撲弼角翻

珽呼曰陛下勿殺臣臣為陛下合金丹

呼火故翻

為于偽翻合音閭

遂得少寬

少詩治翻

珽曰陛下有一范增不能用

漢高帝之言

上皇又怒曰爾自此范增以我為項羽邪

邪音耶

珽曰項羽布衣帥烏合之衆五年而成霸業

帥讀陞下

藉父兄之資纔得至此臣以為項羽未易可輕上皇愈

怒令以土塞其口

易以啟翻塞悉則翻

珽且吐且言乃鞭二百配

甲坊尋徙光州

五代志東萊郡舊置光州

敕令牢掌別駕張奉福曰

牢者地牢也乃置地牢中桎梏不離身

離力智翻

夜以蕪菁

子為燭眼為所熏由是失明

本州曰蕪菁主明目今珽由是失明蓋其子餌之則

明目以之為燭則烟熏眼而失明衍義曰蕪菁今世俗謂之蔓菁夏則枯蔬圃復種之謂之鷄毛菜正在春時採擷之餘收子為油審是則菜油也東南之人多以之照夜未嘗熏眼失明

齊七兵尚書

畢義雲

杜佑曰魏始置五兵尚書謂中兵外兵別兵都兵騎兵也晉分中外各為左右雖與舊為七曹

唯有五兵尚書無七兵尚書之名至後魏始有七兵尚書今諸家著述或謂晉太康中置七兵尚書誤矣為

治酷忍非人理所及

治直吏翻

於家尤甚夜為盜所殺遺其

刀驗之其子善昭所佩刀也有司執善昭誅之

史書此以垂戒

然以情觀之善昭果弑其父必不遺刀以待驗蓋盜為此計以殺其子

二年春正月己亥安成王頊進位太傅領司徒加殊禮

辛丑周主祀南郊

癸亥齊主使兼散騎常侍鄭大

護來聘

湘東忠肅公徐度卒

卒子恤翻

二月丁卯周主

如武功 突厥木杆可汗貳於周

厥九勿翻杆公旦翻可從刊入聲汗音寒

更許齊人以昏留陳公純等數年不返

純等逆女見上卷文帝天嘉六

年

會大雷風壞其穹廬

壞音怪

旬日不止木杆懼以為天

譴即備禮送其女于周純等奉之以歸三月癸卯至長

安周主行親迎之禮

迎魚敬翻古者天子娶于諸侯使同姓諸侯為之主桓八年祭公來

遂逆王后于紀杜預注云祭公來受命於魯是也周主行親迎與突厥為敵國之禮

甲辰周大赦

乙巳齊以東平王儼為大將軍南陽王綽為司徒開

府儀同三司徐顯秀為司空廣寧王孝珩為尚書令

珩音

行

戊午周燕文公于謹卒

燕因肩翻
卒子恤翻

謹勲高位重而

事上益恭每朝參所從不過二三騎朝廷有大事多與

謹謀之

朝直遙翻
騎奇寄翻

謹盡忠補益於功臣中特被親信禮

遇隆重始終無間

被皮義翻
間古覓翻

教訓諸子務存靜退而子

孫蕃衍

蕃音煩

率皆顯達

吳明徹乘勝進攻江陵

乘沱口之

勝也引水灌之梁主出頓紀南以避之

劉昭曰江陵縣北
十餘里有紀南城

周摠管田弘從梁主副摠管高琳與梁僕射王操守江

陵三城晝夜拒戰十旬梁將馬武吉徹擊明徹敗之

則將

亮翻敗補遺翻

明徹還保安梁主乃得還 夏四月辛巳周

以達奚武為太傅尉遲迥為太保齊公憲為大司馬

齊上皇如晉陽 齊尚書左僕射徐之才善醫上皇有

疾之才療之既愈中書監和士開欲得次遷乃出之才

為兗州刺史

為齊主疾作追之才不及張本五代志魯郡舊兗州治瑕丘

五月癸卯

以尚書右僕射胡長仁為左僕射士開為右僕射長仁

太上皇后之兄也 庚戌周主享太廟庚申如醴泉宮

醴泉宮即漢甘泉宮之舊地在漢馮翊池陽縣西後魏於此置寧夷縣隋改曰醴泉縣

壬戌齊

上皇還鄴

還從宣翻
又音如字

秋七月壬寅周隨桓公楊忠卒

辛子

子堅襲爵堅為開府儀同三司小官伯

周禮官伯
屬天官中

士二人下士二人鄭玄注云伯長也掌王宮宿衛之官
及其政令行其秩叙作其徒役之事後周置左右宮伯
掌侍衛之禁各更直
於內小官伯貳之晉公護欲引以為腹心堅以白忠

忠曰兩姑之間難為婦汝其勿往堅乃辭之

史以楊忠
有識因書

其卒而書之楊
堅始見于此

丙午帝享太廟

戊午周主還長安

壬戌封皇弟伯智為永陽王伯謀為桂陽王

八月

齊請和於周周遣軍司馬陸程聘于齊九月丙申齊使

侍中斛斯文略報之 冬十月癸亥周主享太廟 庚

午帝享太廟 辛巳齊以廣寧王孝珩錄尚書事左僕

射胡長仁為尚書令右僕射和士開為左僕射中書監

唐邕為右僕射 十一月壬辰朔日有食之 齊遣燕

散騎常侍李諧來聘

散悉重翻
騎奇寄翻

甲辰周主如岐陽

五代

志太原郡雍
縣有岐陽宮

周遣開府儀同三司崔彥等聘于齊

始興王伯茂以安成王頊專政意甚不平屢肆惡言

吁頊

王翻甲寅以太皇太后令誣帝云與劉師知華皎等通謀

言以者明太皇太后令
項為之也華戶化翻

且曰文皇知子之鑒事等帝堯

傳弟之懷又符太伯今可還由曩志崇立賢君遂廢帝

為臨海王以安成王入纂又下令黜伯茂為溫麻侯

溫麻

縣侯也沈約曰晉武帝以溫麻船屯
立縣屬晉安郡晉安隋改為建安

寘諸別館安成王

使盜邀之於道殺之車中齊上皇疾作驛追徐之才

未至辛未疾亟以後事屬和士開

屬之
欲翻

握其手曰勿負

我也遂殂於士開之手

殂祚乎翻
年三十二

明日之才至復遣還

州還兖州也
復扶又翻

士開祕喪三日不發黃門侍郎馮子琮問

其故士開曰神武文襄之喪皆秘不發

神武卒見一百六十卷梁武帝

太清元年文襄卒見一百六十二卷太清三年

今至尊年少

少詩照翻

恐王公有貳

心者意欲盡追集於涼風堂然後與公議之士開素忌

太尉錄尚書事趙郡王叡及領軍婁定遠子琮恐其矯

遺詔出獻於外奪定遠禁兵乃說之曰

說式芮翻

大行先已

傳位於今上羣臣富貴者皆至尊父子之恩但令在內

貴臣一無改易王公必無異志

丁令力翻

世異事殊豈得與

霸朝相比

高歡高澄未即篡魏握魏之政北齊君臣皆謂之霸朝朝直遙翻下同

且公不

出宮門已數日升遐之事

鄭玄曰升上也遐已也上已者若仙去云耳

行路

皆傳久而不舉

謂不舉哀成服也

恐有佗變士開乃發喪丙子

大赦戊寅尊太上皇后為皇太后侍中尚書左僕射元

丈遙以馮子琮胡太后之妹夫恐其贊太后干預朝政

朝直與趙郡王叡和士開謀出子琮為鄭州刺史世祖

遙翻驕奢淫佚役繁賦重吏民苦之

史言亡齊者武成

甲申詔所在

百工細作悉罷之鄴下晉陽中山官人官口之老病者

悉簡放

齊有鄴宮晉陽宮中山官官口罪人家口没官為奴婢者

諸家緣坐在流所

者聽還

緣坐謂罪非正犯緣親戚而坐罪者

周梁州恒稜獠叛

據趙文表傳恒

稜地名所在險固方數百里羣獠居之文表既平獠遂置為蓬州恒戶登翻獠魯皓翻下同

摠管長

史南鄭趙文表討之

趙文表為梁州摠管府長史長知兩翻

諸將欲四面

進攻

將即亮翻

文表曰四面攻之獠無生路必盡死以拒我

未易可克今吾示以威恩為惡者誅之從善者撫之善

惡既分破之易矣

易以政翻

遂以此意遍令軍中時有從軍

熟獠多與恒稜親識即以實報之

境上內附者謂之熟獠

恒稜猶

豫未決文表軍已至其境獠中先有二路一平一險有

獠帥數人來見

帥所類翻

請為鄉導

鄉讀曰嚮

文表曰此路寬平

不須為導卿但先行慰諭子弟使來降也

降戶江翻下同

乃遣

之文表謂諸將曰獠帥謂吾從寬路而進必設伏以邀

我當更出其不意乃引兵自險路入乘高而望果有伏

兵獠既失計爭帥衆來降

降戶江翻

文表皆慰撫之仍徵其

租稅無敢違者周人以文表為蓬州長史

蓬州本漢宕渠之地李勢

時為獠所據蕭齊立歸化郡梁置安固縣及
伏虞郡後周置蓬州因蓬山而以為名也

高宗宣皇帝上之上

諱項字紹世小字師利始興王道譚第二子也

大建元年春正月辛卯朔周主以齊世祖之喪罷朝會

朝直

遣司會李綸弔賻

賻音附公羊傳曰貨財曰賻會古外翻

且會葬

甲午安成王即皇帝位改元大赦復太皇太后為皇太

后皇太后為文皇后立妃柳氏為皇后世子叔寶為太

子封皇子叔陵為始興王奉昭烈王祀

文帝以子伯茂奉始興昭烈王

祀帝既殺伯茂以叔陵奉祀

乙未上謁太廟丁酉以尚書僕射沈欽

為左僕射度支尚書王勣為右僕射勣份之孫也

度徒洛翻

勣音邁份府巾翻份與之弟肅之叔父也

辛丑上祀南郊

壬寅封皇子

叔英為豫章王叔堅為長沙王 戊午上享太廟 齊

博陵文簡王濟世祖之母弟也為定州刺史語人曰次

敘當至我矣

言以兄弟之次亦當為天子也語牛倭翻

齊主聞之陰使人就

州殺之葬贈如禮 二月乙亥上耕籍田

籍春昔翻

甲申

齊葬武成帝于永平陵廟號世祖 乙丑齊徙東平王

儼為琅邪王

邪音耶

齊遣侍中叱列長叉聘于周

姓纂叱列

復姓出於拓跋氏西部

齊以司空徐顯秀為太尉并省尚書令

婁定遠為司空初侍中尚書右僕射和士開為世祖所

親狎出入臥內無復期度

復扶又翻

遂得幸於胡后及世祖

殂齊主以士開受顧託深委任之威權益盛與婁定遠

及錄尚書事趙彥深侍中尚書左僕射元文遙開府儀

同三司唐邕領軍綦連猛高阿那肱

李延壽曰綦連其先姬姓六國未避

亂出塞保祁連山因以山為姓北人語訛故曰綦連魏淑官氏志綦連氏出於西方諸部

度支尚書

胡長粲俱用事時號八貴

樂音洛

太尉趙郡王叡大司馬

馮翊王潤安德王延宗與婁定遠元文遙皆言於齊主

請出士開為外任會胡太后觴朝貴於前殿

朝直遙翻

叡面

陳士開臯失云士開先帝弄臣城狐社鼠受納貨賂穢

亂宮掖

掖音亦

臣等義無杜口冒死陳之太后曰先帝在

時王等何不言今日欲欺孤寡邪

邪音耶

且飲酒勿多言

獻等辭色愈厲儀同三司安吐根曰臣本商胡

安吐根本安息

胡人天平初柔然主使至晉陽吐根密啟柔然情狀高歡因為之備柔然入掠無獲而返其後歡與柔然和親結成婚媾皆吐根為行人既而歸歡由是見親待得在諸貴行末

行戶剛翻

既受厚

恩豈敢惜死不出士開朝野不定太后曰異日論之王等且散獻等或投冠於地或拂衣而起明日獻等復詣

雲龍門

復扶又翻

令文選入奏之三返太后不聽左丞相段

韶使胡長樂傳太后言曰梓宮在殯事太忽忽欲王等

更思之獻等遂皆拜謝長樂復命太后曰成妹母子家

者兄之力也

長樂胡太后之兄故云然

厚賜獻等罷之太后及齊主

召問士開對曰先帝於羣臣之中待臣最厚陛下諒闇

始爾

闇音陰

大臣皆有覬覦

覦音冀音俞

今若出臣正是翦陛下

下羽翼宜謂獻云文選與臣俱受先帝任用豈可一去

一留並可用為州且出納如舊

尚書出納帝命今且如舊領職

待過山

陵然後遣之。獻等謂臣真出心必喜之。

喜許記翻

帝及太后

然之。告獻等如其言。乃以士開為兖州刺史。文遙為西

兖州刺史。

西兖州時治滑臺

葬畢。獻等促士開就路。太后欲留

士開過百日。

古者葬日虞既三虞用剛日卒哭後人百日而卒哭至今猶然

獻不許數

日之內。太后數以為言。

后數所角翻

有中人知太后密旨者

謂獻曰。太后意既如此。殿下何宜苦違。獻曰。吾受委不

輕。今嗣主幼。冲豈可使邪。臣在側不守之以死。何面戴

天。遂更見太后苦言之。太后令酌酒賜獻。獻正色曰。今

論國家大事非為卮酒

為于偽翻

言訖遽出土開載美女珠

簾詔婁定遠謝曰諸貴欲殺士開蒙王力

武成帝封婁定遠臨淮郡

王故稱之

特全其命用為方伯今當奉別謹上二女子一珠

簾

上時掌翻

定遠喜謂士開曰欲還入不

不請曰否

士開曰在內

久不自安今得出實遂本志不願更入但乞王保護長

為大州刺史足矣定遠信之送至門士開曰今當遠出

願得一辭覲二宮定遠許之士開由是得見太后及帝

進說曰

見賢遍翻說式內翻

先帝一旦登遐臣愧不能自歿觀朝

貴意執欲以陛下為乾明

乾明齊濟南王年號也事見一百六十八卷文帝天嘉元年

臣出之後必有大變臣何面目見先帝於地下因慟

哭帝太后皆泣問計安出士開曰臣已得入復何所慮

正須數行詔書耳

復扶又翻下將復后復復以同行戶剛翻

於是詔出定遠

為青州刺史責趙郡王叡以不臣之罪旦日叡將復入

諫妻子咸止之叡曰社稷事重吾寧少事先皇不忍見

朝廷顛沛至殿門又有人謂曰殿下勿入恐有變叡曰

吾上不負天少亦無恨入見太后

見賢遍翻

太后復以為言

獻執之彌固出至永巷遇兵執送華林園雀離佛院

氏釋

西域記龜茲國北四十里山上有寺

名曰雀離大清淨故倣以建佛院

令劉桃枝拉殺之

拉盧合翻

考異曰北齊帝紀天統三年六月以并省

尚書左僕射婁定遠為尚書左僕射五年二月殺趙郡

王獻三月以并省尚書令婁定遠為司空蓋定遠既為

僕射復為并省尚書令也按和士開傳先出定遠然後

殺獻獻死必在定遠作司空後帝紀誤也但不知果在

何時耳又士開傳云出為青州定遠傳云尋除瀛州蓋

先出為青州後

獻久典朝政

文宣帝時濟南以太子監國立大都督府與尚書省

乃除瀛州也

分理衆事以獻攝大都督府長史至武成之世拜尚

書令又進攝錄尚書事又進太尉朝直遙翻下同

清

正自守朝野冤惜之復以士開為侍中尚書左僕射定

遠歸士開所遺

遺于李翻

加以餘珍賂之

三月齊主如晉

陽夏四月甲子以并州尚書省為大基聖寺晉祠為大

崇皇寺

魏叔志太原郡晉陽縣有晉祠

乙丑齊主還鄴

齊主年少多

嬖寵

少詩沼翻

武衛將軍高阿那肱素以諂佞為世祖及和

士開所厚世祖多令在東宮侍齊主由是有寵累遷并

省尚書令封淮陰王世祖簡都督二十人使侍衛東宮

齊左右衛府領左右府其御仗屬官各有正副都督

昌黎韓長鸞預馬齊主獨親

愛長鸞長鸞名鳳以字行累遷侍中領軍摠知內省機

密宮婢陸令萱者其夫漢陽駱超坐謀叛誅令萱配掖

庭子提婆亦沒為奴齊主之在襁褓令萱保養之令萱

巧黠善取媚

黠戶八翻

有寵於胡太后宮掖之中獨擅威福

封為郡君和士開高阿那肱皆為之養子齊主以令萱

為女侍中

後魏孝文改定內官左右昭儀三夫人九嬪世婦御女之外又置內職典內司視尚書令

僕作司大監女侍中三官視二品監

令萱引提婆入侍齊主朝夕戲狎累

遷至開府儀同三司武衛大將軍宮人穆舍利者斛律

后之從婢也

從于用翻

有寵於齊主令萱欲附之乃為之養

母薦為弘德夫人

河清新令弘德宗德正德三夫人位比三公

因令提婆冒姓

穆氏然和士開用事最久諸幸臣皆依附之以固其寵

齊主思祖珽

齊主受內禪祖珽啓其謀故思之

就流囚中除海州刺史

祖珽去年徙光州五代志東海郡梁置南北二青州東魏改為海州

珽乃遺陸媼弟儀同

三司悉達書曰趙彥深心腹深沈欲行伊霍事

遺于季翻媼烏

老翻陸媼即謂令萱沈持林翻

儀同姊弟豈得平安何不早用智士邪

和士開亦以珽有膽略欲引為謀主乃弃舊怨虚心待

之與陸媼言於帝曰襄宣昭三帝之子皆不得立

謂文襄文

宣孝昭
之子也

今至尊獨在帝位者祖孝徵之力也

祖珽字孝徵事見上

卷文帝天
嘉元年

人有功不可不報孝徵心行雖薄

行下
孟翻

奇略

出人緩急可使且其人已盲必無反心請呼取問以籌

策齊主從之召入為祕書監加開府儀同三司士開諧

尚書令隴東主胡長仁驕恣出為齊州刺史長仁怨憤

謀遣刺客殺士開事覺士開與珽謀之珽引漢文帝誅

薄昭故事

薄昭事見十四卷漢文帝十年胡
長仁帝舅也故引此事以誅之

遂遣使就

州賜死

使疏
吏翻

五月庚戌周主如醴泉宮

丁巳以吏

部尚書徐陵為左僕射

秋七月辛卯皇太子納妃沈

氏

考異曰陳書南史沈后傳皆云大建三年拜太子妃誤也今從帝紀

吏部尚書君理

之女也

辛亥周主還長安

八月庚辰盜殺周孔城

防主以其地入齊

魏收志漢晉河南新城縣後魏置新城郡治孔城其地在隋河南郡伊闕

縣界

九月辛卯周遣齊公憲與柱國李穆將兵趣宜陽

杜佑

曰宜陽郡今福昌縣

築崇德等五城

趣七喻翻

歐陽紇在廣州十餘

年

武帝永定二年紇與父顏定廣州至是凡十二年紇下沒翻

威惠著於百越自華

皎之叛帝心疑之

華戶化翻

徵為左衛將軍紇恐懼其下多

勸之反遂舉兵攻衡州刺史錢道戢

此始興之衡州五代志南海郡始興

縣梁置安遠郡及東衡州

帝遣中書侍郎徐儉持節諭旨紇初見儉

盛仗衛言辭不恭儉曰呂嘉之事誠當已遠

呂嘉事見二十卷漢

武帝元鼎五年六年

將軍獨不見周廸陳寶應乎

周廸陳寶應皆以叛換敗死事

並見文帝紀

轉禍為福未為晚也紇默然不應置儉於孤園

寺累旬不得還紇嘗出見儉儉謂之曰將軍業已舉事

儉須還報天子儉之性命雖在將軍將軍成敗不在於

儉幸不見留紇乃遣儉還儉陵之子也

徐陵時貴顯於陳朝冬十

月辛未詔車騎將軍章昭達討紇 壬午上享太廟

十一月辛亥周鄆文公長孫儉卒

鄆茲陵翻長知兩翻卒子恤翻

辛

丑齊以斛律光為太傅馮翊王潤為太保琅邪王儼為

大司馬十二月庚午以蘭陵王長恭為尚書令庚辰以

中書監魏收為左僕射 周齊公憲等圍齊宣陽絕其

糧道 自華皎之亂與周人絕至是周遣御正大夫杜

杲來聘請復修舊好

杜杲屢聘于陳故使來修舊好復扶又翻好呼到翻

上許之

遣使如周

使疏吏翻

二年春正月乙酉朔齊改元武平 齊東安王婁叡卒

東安郡王五代志琅邪郡沂水縣舊置東安郡也

丙午上享太廟 戊申齊

使兼散騎常侍裴猷之來聘

猷悉重翻騎奇寄翻猷魚寒翻又魚列翻

齊

太傅斛律光將步騎三萬救宜陽屢破周軍築統關豐

化二城而還

還從宣翻又如字

周軍追之光縱擊又破之獲其

開府儀同三司宇文英梁景興

周軍雖屢敗而攻宜陽不輟

二月己

巳齊以斛律光為右丞相并州刺史又以任城王湝為

太師賀拔仁錄尚書事

任音壬湝音皆又古皆翻

歐陽紇召陽春

太守馮僕至南海

五代志高涼郡陽春縣梁置陽春郡廣州治南海郡守式又翻

誘與

同反僕遣使告其母洗夫人夫人曰我為忠貞經今兩

世

僕及父融為兩世誘音酉使疏吏翻洗息典翻

不能惜汝負國遂發兵拒境

帥諸酋長迎章昭達

帥讀曰率酋慈秋翻長知兩翻

昭達倍道兼行至

始興紇聞昭達奄至恒擾不知所為出頓涯口

水經涯水出桂

陽縣盧聚東南過含涯縣南出涯浦關右合溱水謂之涯口涯去王翻

多聚沙石盛以竹籠

盛時置于水柵之外用遏舟艦昭達居上流裝艦造拍

征翻

艦戶黥

令軍人銜刀潛行水中以斫籠筏皆解

筏莫結翻因

縱大艦隨流突之紇衆大敗生禽紇送之癸未斬於建康市紇之反也士人流寓在嶺南者皆惶駭前著作佐

郎蕭引獨恬然曰管幼安袁曜卿亦但安坐耳

管寧字幼安依

公孫度度安其賢魏文帝初卒還鄉里袁渙字曜卿為呂布所拘而不為布所脅布敗歸魏武

君子直

已以行義何憂懼乎紇平上徵為金部侍郎

唐六典曰漢置尚書

郎四人其一人主財帛委輸蓋金部郎曹之任也歷魏晉宋齊後魏北齊並有金部郎中梁陳隋為侍郎場帝

但曰引允之弟也

蕭允見一百六十二卷梁武帝太清三年史言蕭允兄弟處大難而不懼

馮僕以其母功封信都侯遷石龍太守

五代志石龍縣屬高涼郡蓋梁

陳置郡也
今為化州

遣使持節冊命洗氏為石龍太夫人賜繡幘

油絡駟馬安車一乘

幘許偃翻安車加繡
幘油絡也乘繩證翻

給鼓吹一部

并麾幢旌節

吹尺瑞翻
幢傳江翻

其鹵簿一如刺史之儀

三月

丙申皇太后章氏殂

戊戌齊安定武王賀拔仁卒

丁未大赦

夏四月甲寅周以柱國宇文盛為大宗伯

周主如醴泉宮

辛酉齊以開府儀同三司徐之才

為尚書左僕射

戊寅葬武宣皇后於萬安陵

章太后
謚武宣

閏月戊申上謁太廟

五月壬午齊遣使來弔

使疏
吏翻

六月乙酉齊以廣寧王孝珩為司空

珩音行

甲辰齊

穆夫人生子恒

恒戶登翻

齊主時未有男為之大赦

為于偽翻下請

為為之同陸令萱欲以恒為太子恐斛律后恨怒乃白齊主

使斛律后母養之 己丑齊以開府儀同三司唐邕為

尚書右僕射 秋七月齊立肅宗子彥基為城陽王彥

忠為梁郡王甲寅以尚書令蘭陵王長恭為錄尚書事

中領軍和士開為尚書令賜爵淮陽王士開威權日盛

朝士不知廉耻者或為之假子與富商大賈同在伯仲

之列

朝直遙翻
賈音古

嘗有一人士參士開疾

參者候問其疾

值鑒云

王傷寒極重應服黃龍湯

陶宏景曰今近城寺別塞空
鑿口內糞倉中久年得汁甚

黑而苦名為黃龍湯
治溫病垂死者皆差

士開有難色人士曰此物甚易服

易以
政翻

王不須疑請為王先嘗之一舉而盡士開感其意

為之強服

強其
兩翻

遂得愈

乙卯周主還長安

癸酉齊

以華山王凝為太傅

華山郡王五代志京兆郡鄭
縣後魏置華山郡華戶化翻

司

空章昭達攻梁

章昭達破歐陽紇
而還遂引兵攻梁

梁主與周總管陸騰

拒之周人於峽口南岸築安蜀城

峽口西陵峽口也杜
佑曰安蜀城在夷陵

郡界橫引大索於江上編葦為橋以度軍糧昭達命軍士

為長戟施於樓船上仰割其索索斷糧絕

索昔洛翻

因縱兵

攻安蜀城下之梁主告急于周襄州摠管衛公直直遣

大將軍李遷哲將兵救之遷哲以其所部守江陵外城

自帥騎兵出南門使步出北門

將即亮翻帥讀曰率步下有兵字文意較明

首尾邀擊陳兵陳兵多歿夜陳兵竊於城西以梯登城

登者已數百人遷哲與陸騰力戰拒之乃退昭達又決

龍川寧朔隄

水經注紀南城西南有赤坂岡岡下有漬水東北流入城又東北出城西南注于龍

陂在靈溪東江堤內水至淵深有龍見於其中故曰龍陂寧朔周書陸騰傳作寧邦

引水灌江

陵騰出戰於西隄昭達兵不利乃引還

還從宣翻又如字

八

月辛卯齊主如晉陽

九月乙巳齊立皇子恒為太子

冬十月辛巳朔日有食之齊以廣寧王孝珩為司

徒上洛王思宗為司空

上洛古郡名

復以梁永嘉王莊為開

府儀同三司梁王

復扶又翻

許以興復竟不果及齊亡莊憤

邑卒于鄴

史終言之卒子恤翻

乙酉上享太廟

己丑齊復威

宗謚曰文宣皇帝廟號顯祖

齊改文宣謚號見上卷文帝天嘉六年謚神至翻

丁酉周鄭桓公達奚武卒

謚法辟土服遠曰桓卒子恤翻

十二月

丁亥齊主還鄴

周大將軍鄭恪將兵平越舊置西寧

州

西寧州後改曰舊州舊音髓

周齊爭宜陽久而不決勲州刺史

韋孝寬謂其下曰

周置勲州於玉壁

宜陽一城之地不足損益

兩國爭之勞師彌年彼豈無智謀之士若弃嶠東

宜陽在三

嶠東

來圖汾北我必失地今宜速於華谷及長秋築城

以杜其意

水經涑水出河內閭喜縣黍葭谷注云涑水所出俗謂之華谷又曰汾水過臨汾縣東又

屈從縣南西流又西過長修縣南又西與華水合水出于北山華谷此所謂長秋即漢長修縣故墟也俗語訛

以修為
長秋耳

脫其先我

先音悉
薦翻

圖之實難乃畫地形具陳其

狀晉公護謂使者曰韋公子孫雖多數不滿百汾北築

城遣誰守之事遂不行齊斛律光果出晉州道於汾北

築華谷龍門二城

五代志絳郡稷山
縣有後魏龍門郡

光至汾東與孝寬

相見光曰宜陽一城久勞爭戰今已舍彼

舍請曰捨

欲於汾

北取償幸勿怪也孝寬曰宜陽彼之要衝汾北我之所

弃我棄彼取其償安在君輔翼幼主位望隆重不撫循

百姓而極武窮兵苟貪尋常之地塗炭疲弊之民竊為

君不取也

偽為
翻于

光進圍定陽築南汾城以逼之

魏收志
後魏延

興四年置定陽縣及定陽郡五代志文城郡吉昌縣後

魏置定陽縣及定陽郡文城郡東魏置南汾州後周改

曰汾州吉昌縣後唐避李國昌諱又改為吉鄉縣九域

志屬汾州宋白曰慈州吉鄉縣本漢北屈縣後魏孝文

帝置定陽郡及定陽縣時會有河周人釋宜陽之圍以

西定陽胡人渡河居此因以為名

救汾北晉公護問計於齊公憲憲曰兄宜暫出同州以

為聲執憲請以精兵居前隨機攻取護從之

汾扶
云翻

三年春正月乙丑以尚書右僕射徐陵為左僕射丁

巳齊使兼散騎常侍劉環雋來聘

散悉直翻
騎奇寄翻

辛酉上

祀南郊辛未祀北郊 齊斛律光築十三城於西境

汾北

之地於
鄰為西

馬上以鞭指畫而成拓地五百里而未嘗伐功

又與周韋孝寬戰於汾北破之齊公憲督諸將東拒齊

師

將即
亮翻

二月辛巳上祀明堂丁酉耕藉田

籍秦
昔翻

壬

寅齊以蘭陵王長恭為太尉趙彥深為司空和士開錄
尚書事徐之才為尚書令唐邕為左僕射吏部尚書馮

子琮為右僕射仍攝選

仍攝吏部選選須
絹翻下典選同

子琮素諂附士

開至是自以太后親屬且典選頗擅引用人不復啓稟

由是與士開有隙

為子琮勸琅邪王儼殺士開張本復扶又翻

三月丁丑

大赦 周齊公憲自龍門度河

此自夏陽度汾陰也考異曰北齊書段韶傳

云二月周師來寇周書帝紀云三月憲度河今從之

斛律光退保華谷憲攻拔其

新築五城齊太宰段韶蘭陵王長恭將兵禦周師攻柏

谷城拔之而還

此齊遣段韶等出伊洛以牽制汾北也將即亮翻下同

夏四月

戊寅朔日有食之

壬午齊以琅邪王儼為太保

邪音耶

壬辰齊遣使來聘

使疏吏翻

周陳公純取齊宜陽等九

城

考異曰北齊斛律光傳云周柱國統于廣略圖宜陽今從周帝紀

齊斛律光將步騎

五萬赴之

騎奇寄翻

五月癸亥周使納言鄭誦來聘

唐六典後

周天官府置御伯中大夫二人天子出入則侍于左右武帝改御伯為納言蓋侍中之職也

周晉

公護使中外府參軍郭榮城於姚襄城南定陽城西

姚襄

城者裏為桓溫所敗奔平陽所築後人因以為名杜佑曰今汾州吉昌縣西則姚襄所築城西臨黃河控帶龍門之險春秋時晉之北屈也郭榮之下有築字文意乃明齊段韶引兵襲周師破之

六月韶圍定陽城

北齊考異曰韶傳七月屠其外城周書北齊帝紀皆云六月陷汾州今從之

周汾州刺史楊敷固守不下

周汾州治定陽城隋改為吉昌縣汾州唐改為慈州

韶急攻之屠其外城時韶臥病謂蘭陵王長恭曰此城

三面重澗

重直龍翻

皆無走路唯慮東南一道耳賊必從此

出宜簡精兵專守之此必成禽長恭乃令壯士千餘人

伏於東南澗口城中糧盡齊公憲摠兵救之憚韶不敢

進數帥見兵突圍夜走

帥讀曰率見賢遍翻

伏兵擊擒之盡俘其

衆

考異曰周書齊王憲傳屢破齊師北齊書斛律光段韶傳屢破周師要之周失汾州齊師勝耳

乙

已齊取周汾州及姚襄城唯郭榮所築城獨存數惜之

族子也

揚惜以死殉齊而數為周死於城郭各盡忠於其所事也惜於今翻

數子素少多

才藝

少詩沼翻

有大志不拘小節以其父守節陷齊未蒙贈

謚上表申理周主不許至於再三帝大怒命左右斬之

素大言曰臣事無道天子死其分也

分扶問翻

帝壯其言贈

數大將軍謚曰忠壯

謚法武而不遂曰壯

以素為儀同三司漸見

禮遇帝命素為詔書下筆立成詞義兼美帝曰勉之勿

憂不富貴素曰但恐富貴來逼臣臣無心圖富貴也

齊斛律光與周師戰於宜陽城下取周建安等四戍捕

虜千餘人而還軍未至鄴齊主敕使散兵光以軍士多

有功者未得慰勞乃密通表請遣使宣旨

宣慰勞之旨也勞力到翻

使疏吏翻
下待使同

軍仍且進齊朝發使遲留

朝直違
翻下同

軍還將至

紫陌光乃駐營待使帝聞光軍已逼心甚惡之

惡烏
路翻

亟

令舍人召光入見然後宣勞散兵

史言齊主已有疑斛
律光之心見賢通翻

勞力
到翻

齊琅邪王儼以和士開穆提婆等專橫奢縱意

甚不平

橫戶
孟翻

二人相謂曰琅邪王眼光奕奕數步射人

向者暫對不覺汗出吾輩見天子奏事尚不然由是忌

之乃出儼居北宮

北宮在鄴
之北城

五日一朝不得無時見太

后見賢
通翻儼之除太保也餘官悉解猶帶中丞及京畿士

開等以北城有武庫欲移儼於外然後奪其兵權

京畿大都

督撫京畿兵

治書侍御史王子宜

治直之翻

與儼所親開府儀同

三司高舍洛中常侍劉辟彊說儼曰殿下被疏正由士

開間搆

說式芮翻被皮義翻疏與疎同間古覓翻

何可出北宮入民間也儼

謂侍中馮子琮曰士開罪重兒欲殺之何如

馮子琮胡太后之妹

夫故儼自稱曰兒

子琮心欲廢帝而立儼因勸成之儼令子宜

表彈士開罪請禁推

請收禁而推鞠之彈徒丹翻

子琮雜佗文書奏

之帝王不審省而可之

王字衍據北齊書琅邪王儼傳云後主不審省而可之通鑑就

舊史刪潤以成一家言本云帝不審省而可之書史儼
繕寫因舊史之文遂行主字杭本作齊主省悉并翻儼

誑領軍庫狄伏連曰奉敕令領軍收士開

魏收官氏志次南諸姓有

庫狄氏誑居况翻

伏連以告子琮且請覆奏子琮曰琅邪受勅

何必更奏伏連信之發京畿軍士伏於神虎門外

神虎門即

神武門南北國四史成於唐臣之手避唐諱凡虎字悉改為武此獨存舊

并戒門者不聽士

開入秋七月庚午旦士開依常早參

依常日早入禁中朝參

伏連

前執士開手曰今有一大好事王子宜授以一函云有

敕令王向臺因遣軍士護送儼遣都督馮永洛就臺斬

之儼本意唯殺士開其黨因逼儼曰事既然不可中止

儼遂帥京畿軍士三千餘人屯千秋門

帥讀曰奉

帝使劉桃

枝將禁兵八十人召儼

將即亮翻

桃枝遙拜儼令反縛將斬

之禁兵散走帝又使馮子琮召儼儼辭曰士開皆來實

合萬死謀廢至尊剃家家髮為尼

剃他計翻

臣為是矯詔誅

之尊兄若欲殺臣不敢逃罪若赦臣願遣姊姊來迎臣

即入見

齊諸王皆呼嫡母為家家乳母為姊姊婦為妹妹妹為于偽翻見賢遍翻

姊姊謂臣

令萱也儼欲誘出殺之

誘羊久翻

令萱執刀在帝後聞之戰

栗帝又使韓長鸞召儼儼將入劉辟彊牽衣諫曰若不

斬穆提婆母子殿下無由得入廣寧王孝珩安德王延

宗自西來

珩音行

曰何不入辟彊曰兵少

少詩治翻下謂少同

延宗

顧衆而言曰孝昭帝殺楊遵彥

殺楊愔事見百六十八卷文帝天嘉元年

止

八十人今有數千何謂少帝泣啓太后曰有緣復見家

家

復扶又翻

無緣永別乃急召斛律光儼亦召之光聞儼殺

士開撫掌大笑曰龍子所為固自不似凡人

以儼帝子故謂之龍

子入見帝於永巷

見賢通翻

帝帥宿衛者步騎四百授甲將

出戰

帥讀曰率

光曰小兒輩弄兵與交手即亂鄙諺云奴見

大家心死

大家謂主也臣妾呼天子為大家亦此義

至尊宜自至千秋門琅

邪必不敢動帝從之光步道

道讀曰導言步而前導也

使人走出曰

大家來儼徒駭散帝駐馬橋上遥呼之儼猶立不進光

就謂曰天子弟殺一夫何所苦執其手強引以前

強其兩翻

請於帝曰琅邪王年少腸肥腦滿輕為舉措稍長自不

復然

邪音耶少詩治翻長謂年長音展兩翻

願寬其罪帝拔儼所帶刀鏤

亂築辮頭

辮頭示將斬之也

良久乃釋之收庫狄伏連高舍洛

王子宜劉辟彊都督翟顯貴

翟長伯翻
又音狄

於後園支解暴

之都街帝欲盡殺儼府文武職吏光曰此皆勲貴子弟

誅之恐人心不安趙彥深亦曰春秋責帥

春秋左氏傳
韓獻子謂中

行桓子曰子為元帥師不用命誰之罪也帥所類翻

於是罪之各有差太后責問

儼儼曰馮子琮教兒太后怒遣使就內省以弓絃絞殺

子琮

使疏吏翻

使內參以庫車載尸歸其家

內參宦者也庫車載庫物者也

自是太后常置儼於宮中每食必自嘗之

慮鵠毒也

八月

己亥齊主如晉陽 九月辛亥齊以任城王潛為太宰

任音壬潛音皆又戶皆翻

馮翊王潤為太師

己未齊平原忠武王

段韶卒韶有謀略得將士死力

卒子恤翻將即亮翻

出摠軍旅入

參幃幄功高望重而雅性溫慎得宰相體事後母孝閨

門雍肅齊勲貴之家無能及者

齊祖珽說陸令萱出

趙彥深為兗州刺史齊主以珽為侍中陸令萱說帝曰

人稱琅邪王聰明雄勇當今無敵觀其相表

邪音耶說式芮翻相

息亮翻

殆非人臣自專殺以來常懷恐懼宜早為之計幸

臣何洪珍等亦請殺之帝未決以食舉密迎珽問之

食舉

載梁肉以輸
太官者也

珽稱周公誅管叔

周公使管叔監殷管叔以殷叛周公誅之

季

友酖慶父

左傳魯莊公有疾問後於叔牙對曰慶父材問於季友季友曰臣以死奉般乃使鍼季酖

叔牙而立般慶父使人弑般季友立閔公慶父又使人弑之季友以僖公適邾慶父奔莒季友乃入立僖公以賂求慶父于莒莒人歸之及密使公子奚斯請弗許哭而往慶父聞之曰奚斯之聲也乃縊慶父叔牙季友皆桓公之子兄弟也然而以酖死者叔牙也夫漢儒固有以經義斷獄者若祖珽者舞經義以成其獄者也不可

不察帝乃攜儼之晉陽使右衛大將軍趙元侃誘儼執之

誘音

元侃曰臣昔事先帝見先帝愛王今寧就死不忍

行此帝出元侃為豫州刺史庚午帝啓太后曰明旦欲

與仁威早出獵

儼字仁威

夜四鼓帝召儼儼疑之陸令萱曰

兄呼兒何為不去儼出至永巷劉桃枝反接其手儼呼

曰乞見家家尊兄桃枝以袖塞其口

呼火故翻塞悉則翻

反袍蒙

頭負出至大明宮鼻血滿面拉殺之

拉盧合翻

時年十四裹

之以席埋於室內帝使啓太后太后臨哭十餘聲即擁

入殿遺腹四男皆幽歿冬十月罷京畿府入領軍

以儼以京

畿兵弄兵

故罷之

乙未周遣右武伯谷會琨等聘于齊

五代志周

置左右武伯掌內外衛之禁令兼六率之士左右小武伯各二人貳之谷會唐複姓

齊胡太后

出入不節與沙門統曇獻通諸僧至有戲呼曇獻為太

上皇者齊主聞太后不謹而未之信後朝太后

朝直見遙翻

二尼悅而召之乃男子也於是曇獻事亦發皆伏誅已

亥帝自晉陽奉太后還鄴至紫陌遇大風舍人魏僧伽

習風角

如戊迦翻

奏言即時當有暴逆事帝詐云鄴中有變

彎弓纏稍馳入南城

稍所交翻弓末也北齊書胡后傳作纏稍鄴都有南北城

遣宦

者鄧長顥幽太后於北宮

幽母之事隱於心而未發而暴風已應於上天人之際可

畏哉顥魚容翻

仍敕內外諸親皆不得與胡太后相見太后或

為帝設食

偽翻為于

帝亦不敢嘗

庚戌齊遣侍中赫連子

悅聘于周

十一月丁巳周主如散關

散悉

丙寅齊

以徐州行臺廣寧王孝珩

珩音行

錄尚書事庚午又以為

司徒癸酉以斛律光為左丞相

十二月己丑周主還

長安

壬辰邵陵公章昭達卒

是歲梁華皎將如周

華戶化翻

過襄陽說衛公直曰梁主既失江南諸郡

吳明徹章昭達

再攻梁江南諸郡皆為陳所取說式芮翻

民少國貧朝廷興亡繼絕理宜資

瞻望借數州以資梁國直然之遣使言狀周主詔以基

平都三州興之

五代志竟陵郡豐鄉縣西魏置基州及章山郡又竟陵郡樂鄉縣舊置武寧郡

西魏置都州又南郡紫陵縣其城南面梁置都州今周以與梁者蓋武寧之都州也當陽縣後周置平州少詩治翻膽昌艷翻使疏吏翻都音若

資治通鑑卷一百七十